


Partido Red Democratico:

MEP y AVP ta den negoshi hunto y pa decadanan ta aumenta e debe di pais Aruba



Pagina 9

- **OM ta yega na
acuerdo cu
'spookambtenaar'
den caso Flamingo**
Pagina 2

- **AHATA y CMMA
ta uni forza pa
preveni traficacion
di hende**
Pagina 6

- **Discriminacion
y racismo
structural entre
ambtenaarnan
den municipionan
Hulandes**
Pagina 9

Grupo ambientalista ta bati alarma pa destruccion



Pagina 4

Haiti ta prohibi vuelonan pa Nicaragua cu
migrantenan tabata usa pa sali di e pais



Pagina 10

Slovakia ta anuncia despliege masivo na
frontera cu Hungria pa combati migracion



Pagina 19

OM ta yega na acuerdo cu ‘spookambtenaar’ den caso Flamingo

Ayera, mediante un comunicado di prensa, Ministerio Publico informa cu a cera un acuerdo di transaccion den e caso Flamingo cu e sospechoso H.J.P. Geerman pa un suma di Afl. 125.280,13.

Geerman ta wordo sospecha di a estafa Pais Aruba y di corrupcion activo di minister di Desaroyo Teritorial, Infraestructura y Medio Ambiente (ROIM) durante e periodo di prome di april 2019 te 30 di maart 2021. Den e investigacion, Geerman a wordo identifica como un asina yama ‘spookambtenaar’ of ambtenaar spirito.

Ministerio Publico ta opina cu e investigacion a muestra cu e minister a nombra Geerman como medewerker bedrijfsvoering, pero cu e no tabatin mester a haci ningun trabao a cambio y cu e no a haci ningun trabao tampoco. A cambio pa e sueldo cu el a cobra di Pais Aruba, e tabata

si haci propaganda pa e minister na radio.

Ministerio Publico ta di opinion cu door di esey, Geerman a haci su mes culpable na estafa y corrupcion. E suma di transaccion ta consisti di pago di un suma di placa di en total Afl. 125.280,13. A yega na e suma aki door di conta e boet di Afl. 5000,- plus henter e suma cu Geerman a ricibi inhustamente di Pais Aruba, esta, Afl. 120.280,13.

Considerando tur hecho y circunstancia, incluso e hecho cu no tin victima of partinan perhudica di kendenan nan interesnan a wordo perhudica di algun forma of otro door di realiza e transaccion aki, Ministerio Publico ta considera cu e transaccion menciona ta un acuerdo apropiado pa Geerman.

Ministerio Publico a tene cuenta cu tramitacionnan den casonan similar. Ministerio Publico ta di opinion cu e



suma di e transaccion ta haci husticia na e hechonan y na e rol specifico cu Geerman a hunga den e investigacion penal di Flamingo.

Ministerio Publico ta enfatisa cu e transaccion aki no tin influencia riba e curso di e proceso penal contra e otro

sospechosonan den Flamingo. Si en caso Geerman keda sin cumpli cu e condicionnan palabra, e tambe lo wordo cita pa presenta dilanti Hues.



E cambianan cu gobierno di Aruba lo mester haci den e ley di supervision financiero di Aruba mes (Landsverordening Aruba financieel toezicht; LAft), ta parce di bira un problema bastante urgente.

Siman pasa Promer Ministro mes a biaha pa Hulanda pa atende e asunto di e cambianan riba e ley personalmente den Consejo di Ministro di Reino. A comprende si su declaracion cu no tabata posible haya un aprobacion di e cambio di ley manera Aruba a entrega esaki. Hulanda, segun gobierno di Aruba, na ultima ora lo a bin cu tres asunto cu nan kier a mira atendi ainda den e cambio di ley. Por lo tanto no a aproba nada y a remiti e asunto na negociacion entre gobierno di Aruba y secretario di estado Hulandes, pa inclusion di e aspectonan pendiente aki. Tempo a bira un problema pasobra tin basta asunto pa trata den parlamento, entre otro presupuesto 2024 cu mester ta aproba pa mas tarda mitar di december.

Di otro banda, e promer mandatario mes a declara cu ta trata di cambio cu ta aceptable pa su gabinete.

Cambianan cu mester inclui den ley di supervision financiero

Kico esakinan ta encera?

Ta trata segun gobierno di Aruba di tres punto:

- Condicion uno: administracion financiero (financieel beheer) unda “ministro di finanzas mester duna extra informacion di e maneho financiero”.
- Condicion dos: e palabracionnan cu Aruba mester haci cu CAft riba e tema di gastonan di personal promer cu e ley dreठा na vigor;
- Condicion tres: relaciona cu proyectonan ‘PPP’.

Condicion 1: Maneho financiero; esaki ta referi, segun nos, na e condicion den e propuesta di ley di Reino di 2022, unda ta amplia riba e texto existente di e ley di Aruba, cu un “mehoracion di e administracion financiero”, en bes di e texto original, cu ta papia solamente di reporta encuan to e estado di asunto (stand van zaken) di e administracion financiero. Pa esaki, ta amplia tambe encuan to e modelo cu ministro encarga cu finanzas mester acorda cu CAft pa e reportahe, tambe pa dicidi cual ta e temanan riba cual lo reporta. Tambe den e reportahe ministro di finanzas di Aruba mester indica di ki manera e recomendacionnan haci pa CAft, y tumando na cuenta tambe eventual recomendacion di Centrale Accountantsdienst y Algemene Rekenkamer, ta keda implementa. E parti di trece dilanti e recomendacionnan ta den e ley existente caba, loke ta nobo ta e obligacion di e ministro encarga pa indica di cual manera ta duna siguimento na e recomendacionnan.

Condicion 2: Gasto di personal; E propuesta di ley di Reino ta pone como criterio cu pa 31 di december 2027 e gastonan total di personal lo ta maxiamamente 10% di e Producto Interno Bruto (PIB; GDP) di e momento ey. Tambe ta propone cu den presupuesto (na caminda pa 2027) mester tin in-

clui “medida structural pa por alcanza e norma di gasto di personal na 31 di december 2027). Nos ta supone cu esaki ta loke ta e asunto na cual Promer Ministro ta referi. Punto importante den esaki ta cu pa calcula e norma aki, mester acumula tur gasto di Pais Aruba, mas e alto colegionan di estado (Staten, RvA, Rekenkamer), DOW y fondonan di presupuesto y e gastonan paga pa partnernan externo, directamente o via contrato, tambe gasto di personal di e entidadnan di seguro social (AZV, SVb), subsidio di salario pa ‘Bijzonder Onderwijs’, gasto di personal di ex-empleado publico, incluyendo gasto di VUT y wachtgeld, y pago di pension riba gasto di ‘exploitatie rekening’ (‘uitkering bij wijze van pensioen’). Como aclaracion: te awor e LAft y e Protocolnan tabata contempla solamente e gastonan di personal di e ministerionan, loke tabata representa e suma bao di e limite di Afl. 479 miyon (den e protocolo 2018). E gastonan total manera tuma na cuenta pa e norma di 10% di GDP ta abarca un suma di riba Afl. 600 miyon den e situacion actual.

Condicion tres: tin di haci cu proyecto ‘PPP’; esaki no a haya un splicacion mas aleu di parti di gobierno. Loke si por bisa ta cu e propuesta di ley di Reino ta contene un capitulo dedica na e tema aki, cu no ta aparece den e ley di Aruba. Eyden tin formula cu Aruba no por haci compromiso nobo di colaboracion ‘publico-privado’ (PPP; red.), a menos cu Consejo di Ministro di Reino aproba un peticion di gobierno di Aruba. CAft mester conseha gobierno di Aruba den esaki y e colaboracionnan publico-privado aki mester aparece riba balans di Aruba su administracion financiero y mester aparece den presupuesto di Aruba.

Mas comentario den nos Editorial di nos edicion di awe.

Segun Partido Red Democratico:

MEP y AVP ta den negoshi hunto y pa decadanan ta aumenta e debe di pais Aruba

Manera ya caba a keda publica den nos edicion di ayera, Hulanda no kier solucion pa supervision financiero via landsverordening di Aruba. Prome Minister, Evelyn Wever-Croes, a bay Hulanda pa presenta e propuesta di Aruba pa amienda den e ley local pa supervision financiero (LAft), pero Hulanda no a aproba e propuesta aki.

E propuesta di Prome Minister tabata enfoca ariba un supervision financiero di un forma hibrido, cual ta un combinacion di e landsverordening (LAft) y un version mas simpel di e ley di Reino (Rijkswet).

Segun e portal online Aruba.nu a indica, Prome Minister a purba di convence Hulanda door di ofrece, entre otro, pa inclui normanan presupuestario den LAft y pone limite riba gasto di personal. Pero pa Hulanda, door cu Parlamento di Aruba por haci cambio unilateral na un LAft, no tin confiansa pa e sostenibilidad di e sorto di propuestanan asina. Pa e motibo aki, gobierno Hulandes ta insisti pa garantisa e normanan presupuestario pa Aruba a traves di un ley di Reino.

Gobierno di Aruba algun luna pasa a traha riba algun cambio pa e LAft pa actualisa e normanan anticua den e LAft y a manda esaki dia 31 di augustus pa BZK pa e wordo trata, segun Wever-Croes. Prome Minister a expresa cu Gobierno tabatin e speransa cu e cambionan lo a wordo aproba den e reunion di diabierna den Consejo di Minister di Reino, pa asina e por mand'e Parlamento pa e wordo trata prome cu e periodo di 6 siman di reces di Parlamento, pa asina cambianan drenta na vigor pa 1 di januari 2024.

Sinembargo, Prome Minister a expresa, na ultimo momento, esta diamars, cu Hulanda a bin cu tres condicion nobo. Wever-Croes no a duna ningun detaye kico precies e condicionnan aki por ta, solamente indicando cu diaranson Gobierno di Aruba a hiba combersacionnan cu Secretario di Estado, Alexandra van Huffelen riba e condicionnan aki. Secretario di Estado Van



Huffelen mes no tabata presente den e reunion di Consejo di Minister di Reino diabierna pa motibo di compromisonan na Boneiro. Presente na su luga tabata Minister di BZK, señor Hugo de Jonge cu kende tambe Prome Minister ta den contacto.

E tema di LAft y RAft ta keda uno di suma importancia pa Aruba y ariba e tema aki team di Bon Dia Aruba a tene un entrevista cu lider di Partido Red Democratico, Ricardo Croes, y ex Minister di Enseñansa, Rudy Lampe, ariba e tema aki pa nan ofrece nan punto di bista como partido den oposicion ariba e topico aki.

Sr. Croes a remarca cu for di su punto di bista e no ta nada straño cu Consejo di Minister di Reino a dicidi di rechasa e propuesta cu Prome Minister di Aruba a presenta. “Tur hende den e tereno politico na Aruba por a anticipa cu esaki ta e caso. Tabatin condicionnan poni caba cu Prome Minister a dicidi di bypass y na final costando Aruba centenares di miyones na interes extra, den un tempo precario manera cu nos tin aworaki,” Croes a bisa.

El a resalta cu e hecho cu Prome Minister a bay Hulanda, sabiendo cu Secretario di Estado, Alexandra van

Huffelen no tey presente pa atende tampoco, ta un acto cu nan ta haya un poco straño, mirando cu negociacionnan ariba e tema tabata sucede, den su mayoria, entre Secretario di Estado van Huffelen y Prome Minister Wever-Croes.

Croes a señala cu aworaki Prome Minister ta indica cu nan ta negoshando cu otro banconan pa nan haya e prestamo na un interes mas abao, cu no lo mester supervision financiero na Aruba pasobra gobierno mes por mancha finanzas di Aruba y cu e un Rijkswet ta atacha e autonomia di pais Aruba.

“Tur esaki ta un circo politico pasobra nos tur sa e berdad y e berdad ta cu e maneho financiero ta desastroso, nos no ta prepara pa niun calamidad, Hulanda ta pone finanzas disponibel, Hulanda ta consciente di e maneho deficiente y e no ta nenga di yuda, pero e ta bisa mi ta yuda pa percura pa e placa disponibel ta yega na e destinonan cu e tin cu yega,” el a indica.

Sr. Lampe ta expresa cu for di su punto di bista, e hecho cu Prome Minister di Aruba a bay e reunion cu Consejo di Minister di Reino sin presencia di Secretario di Estado van Huffelen ta un paso intencional pa cuminsa prepara e

scenario pa bisa cu nan tin cu busca un otro instancia pa fia Aruba e placa na interes mas abao. “For di inicio segun mi esey tabata nan intencion,” el a remarca.

El a señala cu pa hopi decada AVP y MEP ta hunto den un negoshi cu e debe di pais Aruba. El a resalta cu hopi hende a keda straño cu AVP a sostene MEP den henter e asunto di RAft, pero el a apunta cu ta pasobra e negoshi di AVP y MEP ta hinca den esey y pa decadanan e partidonan aki ta aumenta e debe di pais Aruba.

E ex minister a splica cu Aruba a keda para riba cu nan no kier e RAft di Corsou y Sint Maarten pasobra Aruba ta e unico isla den Caribe Hulandes cu tin Status Aparte cu por bay fia riba mercado internacional, Corsou y Sint Maarten no tin e autoridad ey.

Si lo a hinca Aruba hunto cu Corsou y Sint Maarten bao di un RAft, esaki lo tin como consecuencia un dado momento cu Aruba ta haya mesun condicionnan cu Corsou y Sint Maarten. Locual Aruba no kier pasobra e kier mantene e autonomia financiero pa e por bay riba mercado internacional.

Segun Lampe ta señala, e mo-

tibo di esaki ta pasobra ora cu analisa e situacion, pa Aruba por haya fianza riba mercado internacional e mester di aprobacion di Consejo di Minister di Reino y, segun el a sigui indica, aworaki MEP y AVP a inventa un sistema pa bypass esaki. Y e manera con ta bypass e aprobacion di Consejo di Minister di Reino, segun Lampe a señala, ta cu nan ta bisa cu e prestamo ta local, pero mientras tanto ta placa cu ta bin di afo.

“Banco Central y e banconan local ta participa den e weg y tur ta haya un comision y nan ta stempel e placa local y asina a bypass e aprobacion di Hulanda. Y ta cos cu a bin ta pasa caba, pa decadanan y p'esey MEP y AVP ta hunto den esaki. Aworaki Prome Minister ta bezig caba ta negoshando cu gruponan financiero cu a ofrece 5% di interes, inclusive tin grupo cu a ofrece 4% di interes. Di unda e placa ta bin y por tin duda pasobra ta capitalnan grandi y ta un negoshi grandi,” el a subraya.

For di e punto di bista di Partido Red Democratico, Prome Minister ta preparando e scenario pa despues bende na pueblo di Aruba cu nan a haya un grupo financiero cu ta ofrece un interes mas abao pasobra Hulanda a bolbe nenga di acepta nan propuesta.

Grupo ambientalista ta bati alarma pa destruccion

Grupo ambientalista, Aruba Birdlife Conservation a comparti nan preocupacion riba nan pagina di Facebook pa un tereno entre The Mill y House of Cheng, unda a destruccion di naturalesa a tuma lugar.

Segun ABC ta indica, e tereno en cuestion ta clasifica den e ROP nobo como Naturalesa y Paisahe (Natuur en Landschap.) Riba potretnan cu ABC a comparti, por nota con e tereno a wordo rosa y a kita tur mata cu tabatin, lagando e tereno bashi. Por asumi tambe cu cualkier neishi di parha of cualkier otro animal cu tabata biba den e area aki a keda destrui.

ABC ta cuestiona con por permiti e tipo di destruccion aki cu tin consecucionnan severo pa medio ambiente. E grupo a haci un comparacion cu e caso di Nigel Maduro, kende a keda detenido pa cuatru dia pa motibo di a skirbi un graffiti riba un estatua, algo cu por a drecha masha facil y lihe, mientras cu destruccion cu lo dura años pa por recupera ta bay sin mayor castigo.

Reaccion minister di Naturalesa

Bon Dia Aruba a acerca minister di Naturalesa, Ursell Arends pa puntra si e tabata na altura di e suceso aki. “Nos a tuma nota di e destruccion cu a ser haci na nos



naturalesa. Esaki ta un tereno cu ta califica como natuurgebied y a ser rosa sin permiso y sin ontheffing,” el a bisa. “E ta lamentable pa wak con nos propio hendenan ta causa destruccion, pero mas ainda di ta pensa cu nan ta riba ley. Ley ta conta pa inversionista y pa local. Ley ta conta pa tur hende, nos niun no ta riba ley,” Arends, kende tambe ta minister di Integridad, a enfatisa. “E departamentonan di gobierno ta atendiendo e caso aki, y ministerio di Naturalesa ta sigui esaki di cerca.”

Igualmente, Arends a atende e caso aki durante su conferencia di prensa ayera. Contestando pregunta tocante e caso di Embassy Suites, unda a indica cu actualmente ta procesando nan solicitud pa ontheffing, Arends a comenta: “Durante weekend mi a tuma nota di un otro suceso den un natuurgebied cu a tuma lugar. E tin nos atencion. E departamentonan di gobierno a cuminsa mobilisa

pa haya informacion concreto kico ta tumando lugar. Y mi mester bisa cu hopi biaha nos ta critica sector turistico, critica desaroyadornan, pero tin ora ta nos mesun hendenan ta haci daño, sin tin informacionnan adecuado, sin cana e caminda legal, cana e proceso manera mester ta. Anto bo ta wak awo cu ta cuestiona si ta gobierno ta permiti pa rosa tereno cu tur esakinan.” El a bisa cu ta considerando pa bin cu un campaña di conscientizacion tocante e proceso pa con mester yega na un aanlegvergunning of yega na un ontheffing, no solo pa desaroyadornan sino tambe pa localnan pa asina nan sa cua ta e proceso cu mester cana prome cu yega pa rosa un tereno.

Finalizando, el a sigura cu no solamente departamento di Naturalesa, sino otro departamentonan di gobierno tin nan atencion riba e caso aki y cu nan lo sigura cu e procesonan necesario wordo cumpli.



Joran van der Sloot a regresa prison na Peru pa caba di sinta su sentencianan

Despues di su caso pa extorsion na unda el a declara su mes culpabel pa exotrsiona mama di Nataliee Holloway, Joran van der Sloot, a regrese back Peru pa asina e caba di sirbi su sentencia pa asesinato di Stephany Flores na 2010.

Den luna di juni ultimo a extradita van der Sloot pa estado di Alabama, na Merca na unda el a wordo husga pa e caso di extorsion contra Beth Holloway, mama di Nataliee Holloway. Parti su acuerdo, cu cual el a declara su mes culpabel a cambio di un sentencia di 20 año, el a revela kico realmente a pasa cu Holloway casi 20 año pasa.



Van der Sloot a confesa di a mata Holloway.

Despues di e revelacion aki, voceri di Ministerio Publico di Aruba (OM) a conta CNN

cu posiblemente Aruba lo procesa van der Sloot pa asesinato di Nataliee Holloway.

Segun NLTime a indica, autoridadnan di Aruba a pidi

autoridadnan di Merca pa e documentonan di corte, incluyendo van der Sloot su confesion, pa asina por considera e opcionnan.

E statuut di limitacion pa e asesinato di un persona sin cu e ta un plan na Aruba ta 12 año. Holloway a fayece 18 año atras. Durante e huicio na Merca pa extorsion van der Sloot a confesa cu el a mata e hoben cu un bloki ora cu el a nenga su avancen sexual y a pusha su curpa den lama.

“Oficina di OM kier reitera cu e caso di Holloway ta permanece un caso habri na Aruba,” vocero di OM a conta CNN. Si e persecucion lo ta posibel ta “depende di

varios factor dentro di e investigacion,” el a comenta. “Tambe tene na cuenta cu nos no sa kico ta den e documentonan oficial di corte y e documentonan relaciona cu e investigacion.”

Den un corte na Alabama a sentencia su van der Sloot na 20 año den prison pa extorsion. Ayera van dero Sloot a bolbe back Peru, unda e ta cumpliendo un sentencia di 28 año pa e asesinato di Stephany Flores y otro sentencia di 18 año pa trafico di droga.

E sentencia di extorsion lo core conhuntamente cu e sentencianan aki.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Ta pasa e ley...
O no ta pasa e ley...?

‘Never a dull day’ cu e eterno debate entre gobi-
erno di Aruba y esun di Hulanda. Despues di tur
e turbulencia tocante e aceptacion na ultimo ora
di e acuerdo tocante e prestamonan di e crisis di
Covid cu mester a renoba, awor ta e capitulo di
e ley di supervision cu ta duna stress, na ambos
banda.

Nunca por sa henter e storia di dos banda, pero
en todo caso mester tin un ley di supervision
financiero di Aruba cambia y pasa den parla-
mento, pa ta na vigor entrante 1 di januari 2023.
Esaki pa bon motibo pasobra e ley di Reino no
ta bay ta cla por lo pronto, pasobra e partidonan
lo ta deliberando e modelo ‘hibrido’ cu gobierno
di Aruba a propone. Riba su mes esaki por ta un
solucion, aunke no tin espacio pa ningun op-
timismo no hustifica cu e modelo aki lo libera
Aruba di supervision financiero di Hulanda, o
mejor dicho di gobierno di Reino. Den esey go-
bierno di Hulanda no a laga ningun duda tam-
poco, bisando cu nan por bay di acuerdo basta
cu e parti clave di e proceso di supervision y e
criterionan di presupuesto ta inclui den e ley di
Reino. Nan no a declara nada kico lo por bay
den e ley di Aruba, pero tur esey ta practica-
mente describi caba den e reglanan di elabora-
cion, presentacion y aprobacion di presupuesto,
y cambio di presupuesto, den e leyman vigente.
Nos ta puntra nos mes kico realmente lo por bay
den loke ta keda di e actual ley di Aruba. Un
solo vistazo riba tanto e ley di Aruba (LAft) y
e proyecto di ley di Reino (RAft) ta muestra cu
gran parti di e ley di Aruba ta aparece eyden y ta
forma un unidad solido di supervision anterior
y posterior na e tratamiento di ley di presupuesto
den parlamento di Aruba. Talvez cu gobierno di
Aruba tin mas creatividad cu nos ta supone, pero
awor ta dificil pa nos mira ta con ta saca parti di
esaki pa laga den e ley di Aruba, y cu ta satisfice
e posicion di Hulanda.

Gobierno di Aruba a declara di a keda desagrad-
ablemente sorprende pa e exigencia repentino di
Hulanda pa inclui tres asunto ainda den e cam-
bio di ley di Aruba, cu por lo pronto mester sirbi
como base legal pa e supervision financiero. Esa-
ki ta un indicacion cu e proceso di yega na un ley
di Reino (di consenso) lo bay tuma hopi tempo
ainda y ta pesey ta indica cu mester inclui nan
den e proximo cambio di ley na Aruba. Den un
articulo acompañante por tuma nota di loke nos
na e momento aki por a reuni di informacion
tocante e puntonan aki. Nos promer mandatario
a expresa caba cu esakinan ta punto cu cual nan
por ta conforme, pero cu, segun nos, ta limita e

espacio di maneho di gobierno di Aruba. Den tur
tres caso ta trata di asunto inclui den e propuesta
di ley di Reino, cu ta atende aspecto cu Hulanda
kier mira mehora o atendi a corto plazo. E deseo
di mira mas diligencia den mehoracion di mane-
ho financiero, ta keda concretiza den e obliga-
cion di reporta cada tres luna con ta avanza cu
esaki, y mester duna cuenta tambe con ta atende
e recomendacionnan di CAft, Centrale Accoun-
tantsdienst y Algemene Rekenkamer. Aki clara-
mente ta tumando paso den algo cu te awor no
ta di satisfaccion di Hulanda, y honestamente di
nos tampoco. Nos ta referi na nos critica reci-
ente riba e mehoracion di prepara presupuesto, a
costo di e reportahe trimestral cu e aña aki no ta
cana ‘at all’. Y cu ta ademas algo obligatorio den e
ley di supervision, cu ta duna mas transparencia.
E deseo pa cuminsa prepara e modelo nobo di
gasto di personal ta algo cu gobierno di Aruba
mes a propone, si nos no ta hera, y cu tin como
consecuencia cu tur gasto di personal di gober-
nacion segun e definicion amplio cu IMF tambe
ta mancha, mester ta inclui. Den e acuerdonan
haci te awor tabata papia solamente di gasto di
personal di e ministerionan di Pais Aruba. E
modelo mas amplio aki ta haci cu e uso di esaki
pa Raad van Advies, cu te recientemente semper
tabata parti di nan conseho, por haci su ‘come-
back’ pasobra esey ta bay ta e futuro. Como cu
esaki tambe ta duna mas transparencia ta bon pa
elogia gobierno pa e cambio aki.

Tambe gobierno Hulandes ta desea di haya mas
vista riba e proyectonan ‘PPP’ (public private
partnership) cu a percura pa bastante discusion
y un cantidad grandi di compromiso financiero
scondi fuera di alcance di control parlamentario.
Loke tabata aparece riba presupuesto tabata sola-
mente e suma di e pagonan anual cu gobierno
mester a haci. Den e propuesta Hulandes tur
esey mester aparece awor den bukinan di gobi-
erno y riba balanza y presupuesto gubernamen-
tal. Esaki tambe por considera un avance den
transparencia, aunke nos no sa si gobierno di
Aruba a keda contento cu esaki, pasobra ta algo
cu no ta inclui den e ley actual y sabiendo cu
transparencia ta un fuerte gubernamental sola-
mente den palabra pero no den hecho...

Ta keda e pregunta anto ta kico parlamento di
Aruba ta bay haci cu tur esaki. Nos por spera un
maniobra nobo den estilo di 2019, saboteando e
propuesta acorda, sciamando cu nan ta ‘esnan cu
ta manda na Aruba’, o nan ta muestra preocupa
pa logra avance pa nos pais? Nos lo ripara den e
proximo simannan...

AHATA y CMMA ta uni forza pa preveni traficacion di hende

October 30, 2023: Aruba Hotel & Tourism Association (AHATA), den colaboracion cu Coördinatiecentrum Mensenhandel Mensensmokkel Aruba (CMMA), a organisa 2 sesion informativo pa conscientisa su miembronan tocante traficacion di hende.

E sesionnan facilita pa Jeanette Richardson, Coordinado Nacional y Directora di CMMA, ta diseña pa ekipa e personal den sector di hospitalidad y turismo cu e conocimiento necesario pa reconoce e señalnan di traficacion di hende y con pa denuncia un caso.

Personal di diferente departamento a participa, incluyendo Gerentenan General, Bellmen, personal di Housekeeping, personal di

Recepcion, Servers, Beach Attendants y Bartenders. Di e manera aki por uni forza y mehora e chens cu un posibel caso ta wordo indentifica y por salba un victima di nan situacion. E reaccion di e participantenan a resalta e balor y importancia di e iniciativa aki.

Di e manera aki, AHATA ta sigui inverti den e desaroyo di su miembronan y ta hunga un rol activo den e prevencion di traficacion di hende pa asina sigui mehora e seguridad no solamente den e sector di turismo, pero di tur persona riba nos isla.

AHATA ta gradici Aruba Marriott Resort & Stellaris Casino pa nan colaboracion cu e ballroom unda e sesionnan di informacion a tuma lugar.



Segun prome minister, Evelyn Wever-Croes,

Aruba trahando pa concretisa tres condicion di Hulanda pa aproba cambio den LAft



Manera reporta durante weekend, Consejo di Minister di Reino durante nan reunion diabierna no a duna aprobacion na e plan di gobierno di Aruba, presenta pa prome minister Evelyn Wever-Croes, pa amendanan den ley di supervision financiero.

Consejo di Minister di Reino (Rijksministerraad, RMR) na lugar di aproba e propuesta di gobierno di Aruba, a duna mandato na Secretario di Estado, Alexandra van Huffelen pa asina e por negocia den nomber di RMR sin cu mester warda te e siguiente reunion di Consejo di Minister di Reino.

Wever-Croes a indica den declaracionnan pa prensa cu durante su bishita cortico e siman aki na Hulanda, a atende e reunion di Consejo di Minister di Reino unda tabatin riba agenda e cambionan di Ley di Supervision Financiero di Aruba, LAft. Segun Wever-Croes, tabata na ultimo momento cu Hulanda a propone tres condicion nobo.

E prome condicion ta tocante maneho financiero, unda ta pidi minister di Finanzas pa duna informacion adicional di maneho financiero. E di dos ta e palabracionnan cu Aruba mester haci cu Colegio di Supervision Financiero



(CAft) riba e tema di gastonan di personal prome cu e ley drenta na vigor. Y e di tres condicion tin di haci cu proyectonan PPP.

Tocante e proyectonan PPP, Wever-Croes a bisa cu “e gobierno anterior a mara Aruba cu e debe di PPP proyecten cu financieramente a haci Aruba hopi daño” y esey ta e motibo cu Gabinete Wever-Croes no ta haci uso di PPP mas y a palabra esaki tambe cu Hulanda.

Sinembargo, a el a agrega cu “tin posibilidad pa usa otro proyecto di otro tipo di PPP

cu si por ta bon.” El a duna como ehemplo cu minister di Husticia ta purbando pa yega na un prison nobo pa Aruba, y cu lo mester usa un tipo di PPP pa esaki. El a indica cu ta na mesa cu CAft pa esaki. Tocante CAft, el a bisa tambe cu “gobierno di Aruba kier duna CAft un rol tambe ora cu un gobierno kier bay pa un PPP, pasobra nos no kier pa tur gobierno den futuro bay usa un PPP manera gobierno anterior a haci.”

Den siguiente diano, gobierno di Aruba lo ta na mesa di negociacion cu Secretario di

Estado pa Relacionnan di Reino, Alexandra van Huffelen, pa purba yega na acuerdo riba e tres condicion aki, cu e meta pa ricibi aprobacion di Hulanda pa e cambionan den LAft den proximo simannan.

Like us on Facebook
facebook.com/bondianoticia

Awo cu 2 florin mas, bo por gana e

* Afl. **520.000,-**

* Afl. 390.000,- + Afl. 130.000,-
extra

Benta ta sera 7:30 pm y sorteo ta hunga 7:45 pm

HUNGA AWO

Merca:

Farmaceuticonan ta protesta pa subraya e condicionnan di trabao

(NLTimes)—Trahadonan den botica na Merca a cuminda meld ziek dialuna pa subraya un falta di apoyo for di nan empleadonan, segun organisadonan di e protesta a bisa.

E extento y impacto di e demostracion, cual ta plania te cu diaranson, no tabata menos claro cu dialuna atardi. Farmaceutico- y tecniconan di miles botica a meld ziek cuminsando merdia, segun Lannie Duong, un farmaceutico cu ta yudando organisa e protesta. El a bisa cu organisadonan ta calcula cu “al menos shen” farmaceutico- y tecniconan—mayoria for di Walgreens y otro cadena grandi manera CVS Health—tabata envolvi.

Farmaceuticonan ta bisa cu nan tin basta aña ta experienciando condicionnan di trabao dificil. E problemanan ey a empeora durante e pandemia di COVID-19, ora tiendanan a mira olanan di hende buscando test, vacuna y tratamiento. Vocero pa Walgreens, Fraser Engerman, a bisa dialuna atardi cu e compania

mester a cera tres di su casi 900.000 localidad na Merca “pa via di disrupcionnan den e forza laboral.” Vocero pa CVS Health, Amy Thibault, a bisa cu e compania no tabata buscando “ningun actividad inusual relata na cierenan diripiente di boticanan.”

E protesta di e siman aki a sigui un demostracion similar na comienso di luna cu tambe a inclui Walgreens y un luna pasa envolviendo localidadnan di CVS den e area di Kansas City. E farmaceuticonan bendedo no ta buscando mas placa of dia di vakantie, aunke nan lo apoya pa miho salario pa e tecniconan, segun Duong, un farmaceutico clinico na California. El a bisa cu e protesta ta mas tocante dunando empleadonan e habilidad pa haci nan trabao den un manera sigur.

Farmaceutico- y tecniconan ta yena prescripcion, contesta yamadanan di cliente tocante deficit di medicamento, traha na e bentana di drive-thru y provee un cantidad creciente di conseho medico. Farmaceuticonan den hopi tienda ta



yudando hende renuncia humamento y ta monitoria nan sucu. Hopi tambe ta test pa keintura, COVID-19 y dolor di carganta.

Ademas tin e vacunanan. Hopi ta ser administra ful e aña, pero durante cada temporada di lente, farmaceuticonan ta mira un ola di hende buscando proteccion contra keintura y COVID-19. E

aña aki tambe tabatin vacuna nobo pa hendenan 60 aña y mas pa e virus RSV.

Pa administra hopi vacuna ta laga menos tempo pa check y yena prescripcion, segun Shane Jerominski, un ex-farmaceutico di Walgreens y CVS cu a yuda organisa e protesta di e siman aki. El a bisa cu companianan sa pone farmaceuticonan puntra to-

cante vacuna na cashi.

“Farmaceutico- y tecniconan ta poni den posicionnan,” segun Jerominski, ken awo ta traha na un botica independiente na California. Representantenan di boticanan ta bisa cu nan ta tendiendo e preocupacionnan di e empleadonan. Thibault a bisa cu CVS Health ta trahando pa duna su boticanan espacio pa plania mas personal. E tambe ta purbando pa mehora reclutamento di farmaceutico- y tecniconan.

Walgreens a habri 11 centro di proceso den e pais cu e meta pa yena prescripcion regular pa medicamentonan cronico y tuma algun di e trabao di farmaceuticonan den tienda. Engerman tambe a nota cu e compania a kita metriconan basa di prestacion pa su farmaceuticonan.

Ultimamente, farmaceuticonan di tienda mester mas personal pa preveni condicionnan di trabao peligroso cu ta resulta den erornan di medicamento, Duong a bisa.

Hulanda:

Seguro di salud basico pa cubri test cu por pronostica regreso di cancer di pecho

(NLTimes)—un test special cu ta pronostica e chens e regreso di cancer di pecho lo ser agrega na e seguro di salud basico pa hende muhe mas cu 50 aña di edad. E test por salba rond di 500 hende muhe for di ricibi kimoterapia pa aña, segun Zorginstituut Nederland.

E testnan aki ta midi e riesgo di reaparicion di cancer di pecho sensitivo na hormoon. Hende muhe cu tin un riesgo abao di reaparicion no necesariamente mester kimoterapia. E seguronan di salud lo reembolsa dos tipo di



testnan aki— Oncotype DX y MammaPrint—pa hende muhe mas cu 50 aña di edad cu etapa trempan di cancer

di pecho. Segun e Instituto di Salud, e data durante e ultimo ocho añanan ta convincente. E grupo aki di hende muhe tin 95% chens di sobrevivencia sin kimoterapia, mescos cu hende muhe cu ricibi kimoterapia.

Seguronan di salud no lo reembolsa e testnan pa hende muhe bao 50 aña pasobra nan tin 5% mas riesgo di metastasis sin kimoterapia. E Instituto di Salud ta espera rond di 800 hende muhe pa aña cu lo ser eligibel pa un test, y rond 500 di nan lo por preveni kimoterapia.

Presidente Sjaak Wijma a yama e decision un bon ehempel di cuidu adecua: “Danki na e testnan aki, nos ta haciendo algo tocante e sobrecuido di pashentnan di cancer.

No mas efectonan desagradabel y asina mas calidad di bida. E hende muhenan aki por recupera mas facil y haya nan bida back.”

“Esaki ta un situacion win-win,” Wijma a bisa. “Ademas di un miho calidad di bida [pa e hende muhe envolvi], personalnan di cuidu medico por ser desplega mas miho.”

Aqualectra ta tuma accion estricto contra irregularidadnan den facilidadnan

(CuraçaoChronicle) - Despues di e periodo di gracia di dos luna cu a caba awe, Aqualectra lo cuminsa su strategia estricto contra tercer partidonan cu ta causa irregularidadnan den facilidadnan of ta participa den e uso no autorisa di awa y/of electricidad. Cuminsando for di dia 1 di november, Aqualectra lo introduci castigonan severo incluyendo boetnan substancianan.

Aqualectra tambe lo crea reportahenan na momento cu detecta un irregularidad y individuonan riesga persecucion di Ministerio Publico (OM) cu tur e consecuencianan asocia. Finalmente, e resultado di e accionnan tuma lo ser reporta y haci publico.

Perdidanan significante y cos-



tonan extra lo cay den man di e tercer partidonan cu ta kita ilegalmente partinan di e red di distribucion of ta manipula

esaki pa ehecuta e uso no autorisa di awa y/of electricidad. Como resultado, e comunidad lo lidia cu e problemanan

cu surgi a causa di esaki. Actualmente, clientenan cu si ta cumpli cu nan obligacionnan mester colectivamente wanta riba nan schouder e gastonan causa pa e irregularidadnan.

Aqualectra tin tempo ta lucha pa implementa proyectonan y desaroyonan cu e meta di promove awa y electricidad di manera accesibel y confiable. E Periodo di excepcion ta un di e iniciativanan aki cu a keda estableci pa encurasha e individuonan cu ta usa awa y electricidad di manera ilegal pa registra y asina por coregi nan instalacion sin cu nan lo mester sufri di sancionnan of gastonan. E periodo aki a cuminsa dia 1 di september y lo caba dia 31 di october.

Cuminsando for di dia 1 di november, 2023 Aqualectra lo cuminsa cu accion publico unda e irregularidadnan den e

red di distribucion y e uso no autorisa den casnan, negoshinan of otro localidadnan lo keda reporta. Un ekipo di inspeccion cu ta consisti di representantenan di Aqualectra, KPC y Ministerio Publico (OM) lo tuma accion firme contra e irregularidadnan aki.

Na momento cu descubri un irregularidad, e residentenan of doñonan di negoshi por spera boetnan substancial di te hasta 20,000 florin ademas di cubri e gastonan asocia cu trabao di coreccion y di e instalacion, posibel procedencianan legal y e publicacion di e resultado di e accion aki riba rednan social. Adicionalmente, e individuonan mester ta altanto cu ademas di e boet, nan lo ser rekeri paga e periodo den cual e uso no autorisa a tuma luga y cualkier otro debe pendiente.


Disputa entre Curaçao Medical Center y Ministerio di Salud resolvi cu ahuste na presupuesto di cuido di salud

(CuraçaoChronicle) - Curaçao Medical Center (CMC) y e Ministerio di Salud, Ambiente y Naturalesa a logra aregla un disputa di hopi tempo caba tocante e presupuesto pa cuido di salud pa e BZV. E problema aki aparentemente a keda resolvi segun loke a reporta.

Despues di un bataya legal den cual CMC a existi aproximadamente 40 milyon florin, e ministerio a ahusta e presupuesto na 209 milyon florin pa e periodo di november 15, 2019 te na december 31 2020 y 190 milyon florin pa e peri-

odo di 1 januari 2021 te cu december 31 2021. Adicionalmente, e ministerio a paga 1 milyon florin pa gastonan di acreditacion den e mesun periodo aki.

Te ainda mester yega na un acuerdo pa e compensacion di CMC su transicion y e gastonan di comienso, cual ta actualmente calcula di ta alrededor di casi 40 milyon florin. Ademas, a yega un acuerdo pa e reembolso di e gastonan di cuido di salud pa e personalnan cu no tabata segura pa entre 2019 te cu 2022, cu un cantidad di placa aloca di 20 milyon florin.



Hulanda ta pidi Corsou asistencia den atende operadornan di wega di placa ilegal



(CuraçaoChronicle) - E autoridad Hulandes pa wega di placa KSA a haci un yamado na Curaçao Gaming Control Board (CGCB) y a pidi pa e hunta tuma accion contra e companianan di wega di placa ilegal cu ta operando ilegalmente for di Willemstad y ta causando daño na hungadornan di wega di placa na Hulanda.

Den un carta cu a manda na e hefe di CGCB, Sr. Eduardo Vlieg, KSA a nombra e casinonan cu ta opera online especificamente pa nan nomber. E carta aki tambe a provee un

lista di operadornan cu ta basa na Corsou y kendenan ta nenga paga e boetnan cu e autoridad Hulandes aki ta impone riba nan. Vlieg a ricibi e peticion pa asisti den e coleccion di e boetnan aki cu KSA a impone pero e companianan no a paga, cual ta amplio y ta varia entre 100,000 euro te na 900,000 euro.

Algo cu si por a nota y a resalta ta cu KSA no ta menciona e negoshinan local cu ta facilita e operadornan cu ta den violacion, manera e asina yama companianan di confiansa of e companianan cu tin e asina yama "master license".

Estudio: Discriminacion y racismo structural entre ambtenaarnan den municipionan Hulandes

(NLTimes)—Oficialnan municipal na Hulanda cu un historia di migracion ta experencia discriminacion y racismo structural door di coleganan, segun e investigacion pa Kennisplatform Inclusief Samenleven (KIS).

E investigadonan di KIS a yega na nan conclusion despues di dos aña ta investigando y combersando cu 31 oficial checutivo municipal y 20 gerente for di seis municipio. E rapport a revela cu ta parce cu procedura- y reglanan dentro di organisacionnan municipal ta encurasha discriminacion y racismo.

E investigacion ta confirma reportahenan anterior di discriminacion y racismo dentro di entidadnan gubernamental. Sinembargo, e efecto di e racismo institucional aki ta mas pronuncia ainda riba nivel municipal, segun e investigadonan a enfatisa.

“Esaki ta extra problematico pasobra municipionan tin e deber legal pa aborda racismo y discriminacion pa nan residentenan,” manera investigado Hanneke Fleten a splica. “E ora nan mester tin esaki na ordo pa nan mes. Sino, nan



no por ta un bon ehempel pa ciudadano- y companianan.”

Sirbidonan civil a reporta nan experencia cu discriminacion, por ehempel por medio di ser critica ora un hende den nan historia migratorio a comporta negativamente. Esnan cu a expresa nan preocupacionnan tocante discriminacion of racismo frecuentemente a ser exclui, cual ta causa otro pa keda keto pa medio di perde trabao of ser considera como “difícil.”

E rapport tambe a revela cu despues di e lockdown di COVID-19, hopi oficial cu un historia migratorio tabatin medio pa bay traha back pa via cu nan a anticipa comen-tarionan discriminatorio. Nan ta prefera traha for di cas pa asina preveni esaki. Felten a nota cu hopi remarke racismo ta sconde tras di “jokes” pero sa muestra racismo den e

luga di trabao.

Hopi sirbido civil a reconoce e comportamiento reporta pa nan empleadonan “afecta” pero hopi biaha sa considera esakinan no importante. E estudio a descubri tambe cu pa via di racismo structural, hopi oficial cu un historia migratorio ta renuncia for di nan trabao y ta enfrenta oportunidad cu ta reduci e chens pa un promocion compara cu nan coleganan.

Investigadonan di KIS a remarca cu e tendencia aki ta causa cu organisacionnan municipal ta bira menos representativo pa sociedad, posiblemente afecta e calidad di servicio pa esnan cu un historia migratorio. Sinembargo, nan a agrega cu discriminacion dentro di un municipio ta afecta tur residente negativamente, no solamente esnan cu un historia migratorio.

Felten a declara cu discriminacion por resulta den tensionnan halto y polarizacion, cual ta stroba solidaridad di bisindario.

Municipio di Amsterdam ta tuma accion den respuesta di descubrimentonan di discriminacion na trabao. Amsterdam tabata un di e ciudadnan cu a participa den e estudio. Un otro estudio publica dialuna a revela cu empleadonan na e municipio di Amsterdam ta experencia racismo, discriminacion, tentamento y microagresion na trabao. Como respuesta riba esaki, e municipio a anuncia cu un liña di yamada externo pa sosten lo ser estableci y lo recluta confidentenan externo. Agencia di investigacion Muzus a conduci entrevistanan cu 40 oficial municipal entre november 2020 y september 2023 riba e peticion di e municipio y tambe a organisa tres grupo di enfoke.

E estudio a revela cu gerentenan no semper sa con pa responde ora nan ta enfrenta señalnan di discriminacion y exclusion. Empleadonan a indica den e encuestanan cu nan ta nota un efecto positivo inmediatamente ora un ger-

ente sa con pa responde.

“Un medio ambiente inclusivo, social y sigur ta un requisito fundamental pa tur organizacion y pa keda conecta cu e ciudad diverso cu Amsterdam ta. Desafortunadamente, esaki no ta e caso tur ora awo,” segun Hester van Buren, alcalde responsable pa finanzas, personal y organizacion. “Nos tabata consciente caba di reportahenan riba discriminacion y racismo, pero ta algo otro pa lesa tocante nan den rapportnan investigador,” el a añadi.

El a declara cu varios medida lo ser implementa como contesta riba e dos rapportnan. Confidentenan externo lo ser recluta pa facilita reportahe pa empleado. Un centro pa guia tambe lo ser estableci, y e proceso actual pa reporta lo ser amplia cu experticio externo. Gerentenan lo ricibi asistencia den adresamento di e problemanan aki dentro di nan team y lo haya training regular riba e topiconan aki.

Un tercer estudio encarga pa e municipio lo ser conduci na comienso di 2024 pa asina provee mas conocimiento di e extento di e problema, manera a anuncia.

Varios protesta pro-Palestina y marcha di pas na Hulanda

(NLTimes)—Miles di hende a participa den un demostracion pro-Palestina na Den Haag diasabra atardi. Polis a calcula cu tabatin 6.000 demostrante. Hendenan tambe a subi caya na Venlo y Amsterdam. Na Venlo, esaki tambe tabata un demostracion pro-Palestina. Na Amsterdam, un marcha di pas a cuminsa 4or di atardi for di De Dam pa Museumplein. Tambe tabatin marchanan en silencio pa pas den e areanan Palestino na Eindhoven diadomingo anochi.

Na Den Haag, e demostrantenan a protesta pa un paro di fuego y ayudo humanitario riba e Franha di Gaza. E protesta, organisa pa e Comité di Emergencia Palestina, no tabatin ningun incidente, segun polis. Segun Omroep Venlo, mas cu shen hende a uni den e ciudad diadomingo anochi. E demostrantenan a marcha via e centro di ciudad y a carga banderanan Pales-

tino, entre otro.

E marcha di pas na Amsterdam a ser organisa pa un grupo di hende muhe cu ta bisa cu nan tabata “afecta” pa e “situacion den e Medio-Oeste,” segun e website di e grupo. Cu e marcha di pas, nan kier a transmiti e mensahe di ta contra dehumanizacion “cualkier caminda.” Parool a reporta cu De Dam tabata “yen yen” net prome cu e marcha a cuminsa. Segun e corant, alcalde Marjolein Moorman, entre otro, a participa.

Asunto den Exterior ta restaura contacto cu Hulandesnan den e Franha di Gaza. E Ministerio di Asunto den Exterior a restaura contacto cu mayoria ciudadano Hulandes den e Franha di Gaza diadomingo despues cu no a logra haya contacto diasabra. Segun un vocero pa e Ministerio, ta parce contactabilidad pa y for di Gaza ta mehorando.

E Ministerio lo sigui purba



haci contacto cu e resto di e Hulandes den na Gaza den e proximo diano. E vocero a reporta cu e Ministerio lo informa e hendenan na Gaza tocante opcionnan pa bandona e area lo mas pronto cu informacion bira disponibel. “Desafortunadamente, esey

no ta e caso mes e momento aki. Pero Hulanda ta sigui pone presion riba e partidonan envolvi.” E siman aki, e Ministerio tabatin contacto cu 23 hende cu paspoort Hulandes, papelnan di residencia of famia inmediato. Diasabra, e representa-

cion Hulandes na Ramallah a purba contacta nan pero no a logra. E ehército Israeli a expande su operacion riba tera den e territorio Palestino diabierna anochi.

Potret di Robin Utrecht pa ANP.

Colombia: Aliadonan di Petro ta perde den eleccion regional



(AP) - Aliadonan di President Gustavo Petro a perde cu un margen amplio den e eleccionnan municipal y provincial den eleccionnan cu a tuma luga diadomingo, den loke analistanan ta yama un mal contento cu ta creciendo na Colombia cu su prome gobierno iskierdista.

Candidatonan di e president du partido Pacto Historico a fracasa di gana alcaldia den

ningun di e nacion su ciudadnan principal y a gana algun gobernacion den solamente dos provincia chikito na frontera den Sur di Colombia segun e resultadonan publica pa e oficialnan di e eleccion riba diadomingo anochi.

Caredanan pa e gobernacion a ser gana mas tanto pa candidatonan di e partidonan tradicional of den centro y derecha, cual a perde contra Petro den aña pasa su eleccion presidencial y a perde

contra candidatonan independiente den e ultimo eleccion regional 4 aña atras.

Algun analistanan ta bisa cu diadomingo su resultado ta menasa Petro su esfuerzo di logra pa Congreso haci cambionan na e nacion su sistema di salud y su leynan di labor. “Esaki ta manda un mensahe na algun autoridadnan cu posiblemente tabatin duda di bolbe gobierno, cu e no ta den nan interes electoral” pa duna sosten na Petro su proposicionnan segun Will Freeman. “E bientonan ta cambiando na Colombia.”

Sinembargo otronan ta argumenta cu e President tin suficiente peso pa logra su cambionan social y economico via Congreso. Pedro Medellin, analista politico na Bogota a bisa cu Petro por wanta fondonan stipula pa e gobiernonan municipal y provincial cu ya caba ta preta pa placa y asina pone presion riba garantisa cu nan partidonan su



miembronan den Congreso lo vota pa su proposicionnan. “Colombia ta un nacion hopi centralisa, unda e president tin podernan monumental,” Medellin a expresa.

Petro a gana e eleccion presidencial despues di a campana pa haci cambionan social y economico cu lo duna e gobierno un rol mas grandi den e provision di servicionan manera cuido di salud, educacion y transport publico. Na momento cu el a dreña oficina, el a cuminsa cu medidanan pa aumenta impuesto

di ingreso y tambe a aregla pa yega na pas cu gruponan rebelde cu no a uni un trato di paz cu Colombia su gobierno den aña 2016 y e rebeldenan di e forsa arma revolucionario di Colombia.

Petro su sostenedornan a nota cu e president su partido, cual a ser funda na aña 2021 a gana decenas di asiento den Consejo di ciudad ademas di caredanan pa Consejo di barionan sinembargo, e resultadonan toch tabata menos faborabel di loke a spera

Haiti ta prohibi vuelonan pa Nicaragua cu migrantenan tabata usa pa sali di e pais



(AP) - Gobierno di Haiti a prohibi tur vuelo pa Nicaragua cu migrantenan cu ta huy for di pobresa y violencia den e pais tabata usando cada biaha mas pa yega Merca, segun un boletín cu a anuncia dialuna y cu Associated Press a obtene.

Haiti su gobierno no a proveye un splicacion pa e deci-

sion den su boletín, reporta prome pa Miami Herald. Autoridadnan di aviacion civil no a responde tampoco na peticionnan pa ricibi mas comentario tocante e decision aki. E movida a laga miles di pasaheronan confundi y rabia na e parking lot dilanti Haiti su aeropuerto internacional na e capital di Port-au-Prince rondona pa nan maleta y al-

gun te hasta cu baby.

“Mi mester busca un miho bida otro caminda pa motibo cu Haiti no ta ofrece mi generacion nada mas,” Jean-Marc Antoine di 29 aña a expresa. “Of bo ta busca arma y dreña gang, ser asesina of sali for di e pais.” Su ruman homber na Chile a presta su persona 4,000 dollar pa e



pasashi y manera varios di e pasaheronan cu a keda atras, e tabata preocupa tocante si e lo haya su placa back.

Mas di 260 vuelo saliendo for di Haiti y aparentemente cargando te hasta 31,000 migrante a yega Nicaragua desde augustus, mientras cu Haiti su crisis ta profundisa, cu gangnan calcula di awo controla 80 porciento di e capital. E cantidad di migrantenan ta representa mas o menos 60 porciento di tur yegada na e frontera cu Mexico segun Manuel Orozco, director di migracion.

Expertonan a bisa cu e asientonan riba e vuelonan aki pa Nicaragua por costa entre 3,000 pa 5,000 dollar cu Nicaragua un destino popular pa motibo cu e no ta rekeri un visa pa cierto migrantenan.

“E magnitud di e vuelonan ta completamente inusual y esaki ta representa un riesgo na e seguridad,” Orozco a bisa den un entrevista.

El a cuestiona si e suspension suspension di e vuelonan aki a ser causa pa presion di fuera agregando cu e no ta sigur si e gobierno Mericano ta involucra den esaki. Tambe el a nota cu no tabatin vuelo for di Port-au-Prince pa Nicaragua januari ultimo y cu e 3 vuelo pa dia cu a cuminsa den juli a crece te na 11 vuelo pa dia. E suspension di e vuelonan aki por causa cu e migrantenan Haitiano lo busca otro maneranan pa sali for di e pais. “Mi ta kere cu Dominicanan probablemente lo cuminsa organisa nan mes of crusa nan dedenan pa no tin crusamento,” Orozco a declara.

Cuba: Gobierno Cubano ta priminti bisiñanan di Hotel Saratoga cu nan lo por drenta nan viviendanan back na mei 2025

(CiberCuba) - Tres aña despues cu e explosion di e Hotel Saratoga a afecta nan vivienda, e bisiñanan di e hotel lo por bolbe nan hogar, segun e gobierno di Miguel Diaz-Canel a priminti.

Dia 6 di mei 2022, Cuba a keda conmociona cu e noticia di e potente explosion cu a sucede na e Hotel Saratoga di La Habana cu a costa bida di 47 persona, incluyendo cuater menor di edad, y a laga 99 persona herida.

Diasabra, den e reunion habitual cu miembronan di su gobierno pa check e proceso di recuperacion den e Hotel Saratoga, na e base di Embarcacion di Matanzas, y den e viviendanan afecta pa e huracan Ian y e yobidanan fuerte di juni di aña pasa, e ehecutivo Diaz-Canel a pone fecha pa e bisiñanan di Prado 609 y otro propietarionan bolbe back na normalidad.

Aunke e informacion publica den e portal oficialista Cubadebate no ta menciona e

adres di e edificio di e edificio bisiña, ta supone cu ta trata di e edificio aki, cu su demolicion a cuminsa na mei, despues di un aña den cual e esfuersonan di construccion tabata enfoca principalmente na e hotel propiedad di GAESA.

“A informa di e propiedad den rehabilitacion di edificio di vivienda bisiña y di e iglesia bautista, pa cual e suministronan ta segura,” e medio cita a indica, precisando cu a ainda nan ta trahando pa pone den seguridad e structuranan di Hotel Saratoga.

Na mita di mei, medianan independiente a señala cu a cuminsa cu e demolicion di e viviendanan ubica na Prado 609. Ariba rednan social, hopi Cubano a specula cu e posibilidad di cu e edificio ey y otro edificionan bisiña no lo wordo rehabilita pa su antiguo habitantenan y cu probablemente nan lo tabata pa e mannan di e Grupo de Administracion Empresarial S.A. (GAESA) pa e construccion di mas hotel.



Segun loke a wordo trata den e reunion cu a tuma luga diasabra y publica pa e prensa oficialista di e regimen, e residentenan afecta lo por bolbe ocupa e edificionan aki despues cu nan keda restaura, y e parcel- y edificionan afecta no lo pasa pa mannan di e conglomerado empresarial cu e militarnan di e regimen Cubano ta controla.

Despues di e explosion di e Hotel Saratoga, di cual ainda no a presenta e resultadonan

di e investigacion cu ta indica e responsabilnan di e tragedia, 22 famia damnifica a wordo aloha na e hotel Las Brisas, di e compleho turistico di Villa Panamericana, na La Habana.

Pendiente di e resultadonan di e investigacion priminti pa e autoridadhan, e explosion di Saratoga a pone enfoca ariba GAESA mancha e tempo pa e general Luis Alberto Rodrigues Lopez-Calleja, ken a fayece dos luna despues

di e explosion aki.

E dirigentenan principal di e regimen Cubano ta reuni pa evalua e recuperacion di e dañonan causa pa e desasternan natural, sin presenta un calculacion economico, ni muestra dilanti e opinion publico e presupuesto of suma di e inversionnan destina pa e obranan di rehabilitacion di e edificionan afecta.

Venezuela: Miembronan di e Comision Nacional de Primaria ta declara dilanti Ministerio Publico

(ElNacional) - Miembronan di e Comision Nacional de Primaria (CNdP) a presenta dialuna den oranan di mainta na e sede di Ministerio Publico cu e obhetivo di duna declaracionnan tocante e eleccion opositor realisa dia 22 di october ultimo.

E prome miembro cu e yega tabata Jesus Maria Casal, presidente di e CNdP, ken a drenta e instalacionnan di e Fiscalia 10:30 di mainta.

Algun minuut despues e vice presidente di e CNdP, Mildred Camero a yega y despues e intergrante di e Comision Nacional de Primaria y directivo di A.C. Sumate, Roberto Abdul-Hadi a yega.

Tanto Casal como tur e otro miembronan di e CNdP y e huntanan regional a ricibi un citacion despues di e proceso di eleccion primaria realisa dia 22 di october, despues cu e Fiscalia a señala e proceso como fraudulento.



E fiscal general, Tarek William Saab, a anuncia e apertura di e investigacion aki diaranson ultimo, den atencion na e denunciacion cu a wordo realisa pa e Parlamento, controla pa e chavismo y varios dirigente oficialista, segun cual e cifra di participacion di e primaria, casi 2.5 milyon di persona, a wordo exagera.

Dos dia despues, Saab a publica ariba su cuenta di X (anteriormente Twitter) e citacionnan di Casal, Camero y Abdul-Hadi como personanan cu ta wordo investiga.

E momento ey el a laga na cla cu e 24 hefenan di e huntanan regional cu a organisa e votacionnan aki, den cual

e ex diputada Maria Corina Machado a bay cu 92.35% di e votonan, tambe lo wordo cita.

Segun e Fiscalia, den e evento di diadomingo 22 di october a tuma luga, por lo menos, cuater delito: usurpacion di funcionnan, usurpacion di identidad saliendo di e

hipotesis cu a usa number di hendenan cu no vota, legitimacion di capitalnan door di desconoce e procedencia di e placa cu cual a realisa e eleccion y asociacion pa comete delito.

Dialuna, e Sala Electoral di e Tribunal Supremo di Justicia a ordena e suspension di tur e efectonan di e diferente fasenan di e proceso electoral conduci pa e Comision Nacional de Primaria.

E sentencia number 122 a señala cu a admiti e recurso interponi pa Jose Brito, diputado di e Asamblea Nacional elegi den 2020, cu tabata pidi e revision di presunto irregularidadnan den e proceso..

“Ta declara procedente e solicitud di proteccion di desconfianza, y den consecuencia ta suspende tur e efectonan di e diferente fasenan di e proceso electoral conduci pa e Comision Nacional de Primaria,” e sentencia ta bisa.

Kim Kardashian su marca Skims ta anuncia partnership cu NBA

(AP) - Kim Kardashian su linea di paña interior a uni cu un partner grandi, NBA, pa ta e paña interior oficial di e liga. E anuncio aki a bini dialuna, unda a informa cu SKIMS awo ta un colaborador oficial di e asociacion nacional di basketball, tambe conoci como NBA y e partnership aki ta bay mas leu cu e liga di hende homber. SKIMS lo ta den WNBA, cual ta e asociacion nacional di basketball pa hende muhe y USA Basketball.

E partnership aki nobo ta parti di un trato cu tin varios capa y ta un victoria grandi pa Kim. Ademas, esaki lo duna SKIMS un nivel completamente nobo di exposicion



y fama. El a expresa cu e “ta hopi orguyoso di e partnership entre SKIMS y NBA, ademas di ta un refleho di SKIMS su influencia cu ta

creciendo den cultura. Hunto, SKIMS y NBA lo por conecta hende di tur tipo di antecedente via moda, deporte y talento y mi ta emociona pa



wak e partnership aki crece.”

Awo, den termino di loke nan ta bay haci hunto ta un poco ambiguo actualmente. Silver ta bisa cue fanaticonan lo cuminsa mira SKIMS di un manera creativo den eventonan di e liga for di awo en adelante, incluyendo weganan All-Star, torneonan di temporada y tambe Playoffs. Basicamente, prepara pa mira

e hungadornan usando e marca y e number di e marca na stadionnan y mas.

Esaki ta bini net despues cu Kim a lansa su linea pa hende homber, cual tin un record di benta den e mercado digital y a colabora cu atletanan di perfil halto manera Neymar Jr, Nick Bosa y te hasta Shai Gilgeous-Alexander.

Matthew Perry tabatin plan di cuminsa fundacion pa yuda personanan lidiando cu abuso di substancia prome cu el a fayece



(TMZ) - Matthew Perry tabata kier laga mas cu su fama como Chandler Bing atras den e forma di un fundacion dedica na yuda personanan cu ta sufrir di abuso di substancia. Segun fuientenan cercano na e difunto actor, den e lunanan prome cu su fayecimento, Matthew tabata den e etapanan di comienso di crea e fundacion, cerca na loke Betty Ford a haci cu su fundacion na Palm Springs.

Aunke Matthew a fayece prome cu su soño por a bira un realidad, segun e fuientenan cercano di TMZ varios persona di su circulo cercano kier sigui cu e trabao den su

honor y nan tin plan di haci esaki bira un realidad.

Matthew tabata hopi habri tocante su historia cu abuso di substancianan y esaki ta un topico hopi grandi den su buki sinembargo e tabata completamente sin uso di substancia ultimamente y tabata usa pickleball pa yuda cu su recuperacion.

E tabata kier pa su legado ta yuda hende cu tambe ta lucha cu e problematica aki y no solamente su rol den e hit “Friends.” E fundacion posiblemente por cumpli e meta aki. E lo ta interesa pa mira con e vision di Matthew den forma di un fundacion lo tuma luga.

KOORYMAN

Visit our
Paint Hub
and join the
paint contest.

**WIN \$150
OF KOORYMAN PAINT!**

kooymanbv.com

Celebracion di Howloween na Animal Shelter Aruba a ricibi sosten di Aruba Bank

Oranjestad, 30 di oktober 2023 — Animal Shelter Aruba, un organisacion prominente pa bienestar di animal, ta anuncia cu su celebracion di Howloween, cual a tuma lugar dia 29 di October 2023, a resulta un exito. E evento tabata posibel danki na e sosten generoso di Aruba Bank, a demostra un compromiso comparti pa bienestar di nos animalnan.

Howloween na Animal Shelter Aruba tabata un evento exitoso, caminda donan di animal y nan companeronan den concurso di disfraz, parada espantoso di animalnan, y diferente actividadnan interesante. E evento tambe a presenta exitoso campanan di adopcion y sesionnan informativo pa tene-mento responsable di animal, intensificando ainda mas e mision di e organisacion pa cria un comunidad compasivo pa animalnan cu mester di ayudo.

Aruba Bank ta contento di por a contribui na e celebracion di Howloween pa haci esaki un evento memorable y impactoso. E colaboracion aki ta demonstra e dedicacion di Aruba Bank na comunidad local y nos apoyo pa iniciativanan cu ta promove bienestar di animal riba nos isla.



**HAPPY
Howloween**



Colegio Arubano na Tenerife cu Erasmus+

Di cuater biahe di estudio di e proyecto 'Creating 21st Century Teachers'

Stimula y motiva alumno pa participa y siña na scol no tur ora ta un trabou facil. Afortunadamente, ta existi hopi forma didactico, herment y apps cu por yuda docente den e proceso aki. Pa haya inspiracion, adkiri conocemento y siña habilidad nobo, varios docente di Colegio Arubano a biaha pa Europa durante e aña aki pa forma parti di proyecto di Erasmus+.

E biaha aki, Meneer Figaroa, e juffrouwnan Lopez Henriquez, Maduro, Sanchez, Schnieders y Conector Wernet a bay Tenerife, Spaña, pa sigui e curso "Innovative Teaching Methods for Teachers, School and Adult Education Staff".

Durante e curso, nan a descubri metodo y tecnica di dunamento di les nobo cu nan lo por aplica den nan trabou diario. Algun di e topiconan cu a bin padilanti durante e curso ta: Formal, Non-formal



& Informal Education, 'Project/Problem-Based Learning (PBL), Outdoor Education y uzo di ICT den klas. Ademas, nan a cera conoci y intercambia cu otro profesional den enseñansa di otro pais, manera Italia, Alemania, Hungaria, Estonia y Serbia.

Banda di a sigui e curso aki, e docentenan a haya e oportunidad di conoce algun luga emblematico di e isla. Nan a conoce, entre otro, Parke Nacional El Teide, La Orotava y e ciudad moderno Santa Cruz.



Resumiendo, e biahe pa Tenerife tabata uno inolvidabel. E docentenan ta agradecido pa e oportunidad brinda pa por crece tanto profesional como personalmente.

E team di Colegio Arubano ta sigui cu bista riba mas biahe di estudio den futuro y e posibilidadnan cu Erasmus+ ta ofrece pa sigui crece, descubri y inspira.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Gregorio Wolff

Palestina su historia, kico ta pasando y kico por spera (parti 2)

Mundo Musulman

Na mundo tin banda di 1,8 biyon di Musulman, mas cu e 1,4 biyon catolico. Di e totalidad di 1,8 biyon Musulman, un 25% ta di rasa Arabe, esta ta papia e idioma Arabe. Dos pais grandi Musulman na Medio oriente cualnan ta Iran cu su idioma Persa y Turkia cu su idioma Turco, no ta paisnan Arabe. Tur dos ta paisnan cu actualmente ta apoya Palestina 100%.

Mundo musulman completo awe ta apoya Palestina.

Sunita vs. Shiita

Den mundo Musulman tin dos rama ta core. Creencia Sunita y creencia shiita.

Tur Musulman ta kere firmemente cu Muhamed a wordo scogi pa Dios=Allah di ta e profeta cu a funda e religion Musulman.

Mohamed a muri sin un heredero masculino y e profeta no a nombra su sucesor.

E Sunnitanan a dicidi cu ta scoge su sucesor como Lider Islamico, mientras e Shiitanan a considera cu e lider shiita mester ta un famia cu tin mesun sanger cu e profeta Mohamed. Actualmente e Sunnitanan ta mas grandi y nan ta representa 90% di tur Musulman na mundo. Na Iran y na Irak, dos pais poderoso, e mayoria di e poblacion ta Shiita.

E dos ramanan aki durante siglonan a causa hopi problema, maske awe e ta menos y remarcabel ta cu e dos paisnan na medio-oriente, hopi poderoso, cu hopi tempo tabata enemigo di otro, Iran y Saudi Arabia, awe nan tin



relacionnan diplomatico cu otro y tur dos ta cla pa dreña BRICS entrante 2024. Awe tambe tur dos ta apoyando Palestina.

Whahhabismo y Hermandad di musulmannan

Den e ramo Sunnita tin varios coriente manera e Whahhabismo, specialmente na Saudi Arabia y tambe cerca e Majaheedin, durante e añanan 80 di siglo pasa na Afghanistan, despues Taliban. Militantenan di Al-Qaeda y di ISIS tambe ta sigui donan di Whahhabismo.

Cu yegada na poder di e prins heredero di Saudi Arabia, Prince Mohammed bin Salman, Whahhabismo ta perdiendo su balor.

Otro coriente fuerte na Mundo Arabe ta e Hermandad Musulman. Especialmente na Gatar, Egipto, Siria

y na Palestina cerca Hamas e coriente aki ta fuerte. E coriente aki den pasado tabata tambe e motibo di hopi conflicto, ya cu varios pais Arabe ta considera e organisacion aki como un organisacion terrorista.

Pa loko ta e relacion Hamas/Egipto te poco tempo pasa e enemistad aki tabata bisto. Na 2012 Muhamed Morsi, un militante di e Hermandad Musulman a wordo eligi como presidente di Egipto. Un tremendo amigo di Hamas.

Via un golpi militar dor di e actual presidente di Egipto General Sisi, Morsi a wordo baha y hinca den prizon te cu e a muri den prizon na 2019. E relacion di Hamas cu Egipto tabata malisimo te algun siman atras. Dor di presion di e paisnan Arabe, hunto cu Turkia y Iran, Egipto a cambia radicalmente y parce awor tambe ta amigo di Palestinonan y di Hamas.

Creacion di Hamas y su accionnan

PLO (Palestine Liberation Organization) ta e organisacion legitimo pa representa e Palestinonan. Nan ta acapara varios organisacionnan politico cualnan ta bringa pa e causa Palestino manera Al Fatah, PFLP (Popular Front for the Liberation of Palestine), Hamas y varios mas.

Merca no ta reconoce PLO, pero si e PA (Palestinian Authority), despues di e acuerdonan di Oslo. E acuerdo di Oslo, pusha dor di Merca, firma dor di prome Ministro di Israel Yitzhak Rabin y e lider di PLO Yassir Arafat na 1993, ta un reconocimiento di PLO como e autoridad=Gobierno pa representa tur Palestinonan. Acerca otro asuntunan cual lo bay mas profundo ariba e problemanan di Palestina.

Pero na 1995 Yitzhak Rabin a ser asesina dor di un Israeli radical derechista y despues di esaki por bisa cu Netanyahu a bini na poder cu su partido ultra-derechista Likud. Den e era uni-polar di USA/Nato, Netanyahu a goberna cu man duro contra Palestinonan y tabata logra tur cos.

Gobierno di Israel, sigur Netanyahu no tabata gusta PLO y nan tabata haci tur cos pa boicotia PLO y Arafat. PLO tabata secularista, esta nan tabata mas ideologico.

Hamas a nace como un organisacion caritativo y ta sigui e pensamentonan di e Hermandad Musulman. Esey tabata motibo cu gobierno di Israel y USA a yuda financieramente cu Hamas por a bira grandi bao Palestinonan como contra-partido na PLO. Pero e lidernan di Hamas tambe ta Palestino y nan sa kico a sosode cu nan pais y cu ayudo di lidernan di Hermandad Musulman den stranheria, Hamas a cuminsa mete cu politica Palestino, anti-Israel.

Pa Israel y USA, Free Elections ta bon ora nan hendenan gana e eleccion

Despues di 9/11 na 2001, USA y Israel a lansa e idea pa mas democracia na Palestina. E asina yama Free Elections na Palestina a tuma lugar na januari 2006 y cual ta e ultimo eleccion den teritorionan Palestino, pa forma e parlamento di e Autoridad Palestino. Al Fatah cu nan lider awor, Abbas a ricibi miyones di dollarnan pa campaña y purba di gana e eleccion. Hamas sin financiamiento pero cu un militancia fuertisimo pro-Palestina a gana e eleccion for di Al Fatah na Gaza y West Bank, cogiendo 74 asiento y Al Fatah di Abbas a keda cu 45 asiento. Esnan cu a grita tanto pa democracia na Palestina, USA y Israel no a reconoce e resultado y nunca e parlamento di PA a sinta. Abbas te awe ta presidente di PA. Israel a coy parti grandi di e parlamentarionan di Hamas preso. Nan unico delito tabata cu nan a apoya Hamas den e proceso democratico na Palestina.

Hamas prome cu 2017 semper su politica tabata na favor di destruccion di Israel, pero desde 2017 tin un otro posicion mas modera frente Israel. Den nan Charter nan no ta papia di destruccion di Israel mas, pero ta papia di liberacion di e parti historico di Palestina. Pa hopi expertonan e cambio di posicion aki ta un posicion modera pa por dreña den negociacion cu Israel y busca solucionnan.




Auto a subi isleta dal borchì trafico kibra banda di De Trupialen

Diasabra madruga a drenta informe di cu un auto lo a dal un borchì di trafico kibra na e isleta panort di Clubhuis De Trupialen den De La Sallestraat, mesora a dirigi un patruya na

e sitio.

Na yegada di e patruya a haya e borchì kibra pero nada di e vehiculo cu a ocasiona e accidente aki.



Auto cu a brake diripiente a causa cu e 3 autonan su tras a accidenta

Diasabra atardi a drenta informe di un accidente cu hende herida na Kudawecha, mesora a dirigi tanto polis como ambulance na e sitio.

Na yegada di e patruya ya

caba e unico victima tabata den ambulance. Locual a sosode ta cu un auto a brake y diripiente a bira na man robes pero su tras tabata bini un Nissan Versa, tras di esey un U.T.V. y mas patras un box van cual a bay dal tras

di e U.T.V. manda esaki bay dal tras di e Versa. Debi na e fuerte impacto di e box van tras di e U.T.V. e chauffeur di e U.T.V. a resulta herida. E chauffeur tabata keha di dolor na nek y lomba. Ambulance a transporte pa hospital.



Chauffeur a keda drumi memey den caminda na Fultonstraat



Diasabra merdia a drenta informe di cu tin un chauffeur na soño tras di stuur auto e auto den "D" di drive of sea e auto su so lo por bay dilanti, mesora a dirigi patruya na e sitio.

Na yegada di e patruya a bin haya e chauffeur na soño y cu no ta den condicion pa core auto. Mesora a detene pa ta bao influencia di alcohol y poniendo trafico na peliger.

Guardianan di K.I.A. y polisnan tabata riba un alerta pa bultonan misterioso na costa

Diasabra atardi alarma a ser bati ya cu na e "uitkijkpost" nan a descubri bultonan ta drif den e lama

yegando costa.

Mesora a alerta autoridad unda polis a bay tira bista como tambe e helicopter di

polis. For di e helicopter yegando mas cerca a descubri cu esakinan ta sushi den lama y nada otro.



Na Pos Abao un chauffeur burachi a baha caminda dal palo di luz kibra

Diasabra madruga a drenta informe di un accidente na Pos Abao, mesora a dirigi patruyanan na e sitio.

Na yegada di e patruya a bin

compronde cu un chauffeur burachi a baha caminda dal palo di luz kibra. Mirando cu e chauffeur ta burachi polis a detene pa causa un accidente bao influencia di alcohol.



2 Detencion despues di un pelea na crusada Pindastraat cu Mandolinstraat

Diasabra madruga a drenta informe di un pelea na Pindastraat cu Mandolinstraat, mesora a dirigi un patruya na e sitio.

Na yegada di e patruya a bin detene un homber burachi na e sitio. Durante cu polis tabata atendiendo e asistencia tabata tin un habitante cu cada rato tabata stroba y hinca so boca den e asunto. Despues di varios biaha cu polis a bis'e pa e bay paden y e no a haci caso y a sigui stroba trabao di polis a dicidi di detene tambe.



Gerente di bar a saca dama burachi for di e bar

Diasabra madruga a drenta informe di cu gerente di un bar na Bubali a saca 2 dama for di e bar na mal ordo, mesora a dirigi un patruya na e sitio.

Na yegada di e patruya a nota

cu e damanan tabata burachi y nan comportacion a laga di desea, como cu nan ta bay haya un lift pa nan cas cu un amigo polis a laga nan bay despues cu polis a papia cu nan.



Polis a bay na Saliña Cerca pa un pelea entre un pareha turista

Diabierna anochi a drenta informe di un pelea di pareha turista te unda nan lo a choca otro na un AirBnB Saliña Cerca, mesora a dirigi patruyanan na e sitio.

Na yegada di e patruya polis a

papia basta rato cu nan pa asina nan no daña nan vacacion na Aruba unda nan lo por ser deteni. Polis a intermedia y nan a muestra comprension y pas y tranquilidad a reina entre nan atrobe.



Polis a cera snack truck cu no tabata cumpli cu reglanan



Diabierna anochi polis a presenta na un snack truck banda di Sasakieweg pa un control.

Durante e control polis a descubri yen di cosnan cu no ta bon y a haya instruccion pa e

doño cera e snack truck te ora cu esaki tin e puntonan indica pa polis regla e lo por habri bek. E doño y e trahadornan no a keda mucho contento ya cu e anochi ey tabata hopi druk y el a perde tur e benta di e anochi.

Control policial na De La Sallestraat: Varios detencion cu entre nan un dama cu ya nan a detene caba prome

Diasabra mey anochi atrobe polisnan a bolbe tene un control e biaha aki den De La Sallestraat unda a detene varios persona bao influencia.

Entre nan un dama cu mas tempran durante control nan a detene banda di oficina di A.T.A. pero awor nan a bolbe detene tambe banda di Imelda Kleuterschool.



Medionan internacional ta reacciona na caida di Ajax na ultimo lugar den Eredivisie

(NLTimes) – Varios medio di comunicacion internacional a reporta riba e crisis actual di Ajax mientras e club di Amsterdam a cay na ultimo posicion den Eredivisie despues di nan perdida contra PSV Eindhoven diadomingo.

Esaki a marca e prome biaha den historia di Ajax cu nan a sufri cinco derota consecutivo den Eredivisie. E club ta pasando door di su pio comienso di temporada den historia, y no a scapa atencion di medionan internacional.

“Pa un momento a parece manera Ajax lo drecha, pero e bishita na Eindhoven na final a bira un pesadiya,” segun corant Belga, Sporza. “Y si e 5-2 no tabata suficientemente doloroso, number 18 Volendam a gana 3-1. Pa motibo di e golpi dobel aki, Ajax awo ta den fondo di competencia Hulandes.”

Corant Spaño, MARCA a describi e situacion actual na Ajax como un “drama historico pa un team cu no ta custuma en absoluto pa anda den situacionnan asina,” y a referi na e derota di Ajax contra PSV como “un di e corec-



cionnan mas doloroso den historia recién pa Ajax,” cu ta confirma “e crisis institucional y deportivo enorme den cual Ajax ta haya su mes.” “Na e momento ya nan ta den fondo, y e prospecto di relegacion ta mas real cu nunca,” MARCA a continua.

Corantnan na Italia, Francia, Portugal, Reino Uni y Alemania tambe tabatin palabra di decepcion y sorpresa pa e

resultadonan di Ajax. Pa Der Spiegel, e crisis a cuminsa na comienso di 2022 ora director deportivo Marc Overmars mester a retira despues di manda “mensahenan inapropia” na empleadonan, despues di e retiro di coach exitoso Erik ten Hag na Manchester United den berano di 2022. “Sin Overmars y Ten Hag, no hopi a bay hunto den e temporada anterior, y awo tur cos ta pio

ainda.”

France24 a destaca acuerdonan pover di transferencia como tambe mal manejo y un falta di estabilidad interno. “Mayoria ta kere cu Ajax lo caba e temporada den mita top di clasificacion. Relegacion ta impensable. Pero hasta discuti e posibilidad ta extraordinario pa un di e clubnan miho conoci cu un record di 36 titulo Hulan-

des,” nan a conclui.

John van 't Schip nombra como coach pa resto di e temporada. Ajax a nombra John van 't Schip como coach pa resto di e temporada. E ex-futbolista a keda contrata pa e team di Amsterdam te mita di 2025. Despues di e temporada, e ta bay asumi un posicion den manejo tecnico, segun e club a anuncia ayera.

“Mi ta anticipando pa cuminsa na e club unda tur cos a cuminsa pa mi,” Van 't Schip a bisa riba website di Ajax. “Mi tin bon sentimento tocante e conversacionnan cu mi tabatin cu tur esnan involucra. Ajax mester haya su caminda deportivo rapidamente, y mi ta contento pa contribui den esey.”

Van 't Schip no ta e prome veterano di Ajax pa bin back den un intento pa salba e team despues di un inicio di temporada masivamente decepcionante. Danny Blind y ex-presidente Michael van Praag a bolbe na e hunta di supervision, y Louis van Gaal tambe a bin back como conserbero.

Activistanan ta urgi organisadornan di Olimpiada na Paris pa respeta derecho di migrante y hende sin hogar

(AP) — Gruponan di ayudo y activistanan di husticia social a protesta pafo di sede di Olimpiada di Paris apelando na autoridadnan Frances ayera pa protegi e derechonan di miles di migrante y otronan bibando riba caya, mientras e region di Paris ta prepara pa Olimpiada di Berano.

Activistanan a proyecta e palabranan “E Otro Banda di e Medaya” riba e oficina principal di Paris 2024 den suburbio di Saint-Denis y a colga borchis di protesta pafo di entrada den un demostracion breve diadomingo anochi. Mas cu 70 NGO a dirigi un carta ayera na autoridadnan regional di Paris, comite organisando Olimpiada y e patrocinadornan Olimpico advirtiendoli di un riesgo di “limpiza social” di e gruponan mas marginalisa den sociedad for di e cayanan di Paris y su suburbionan prome cu Olimpiada.

Organisadornan di e Weganan proximo aña a bay di acuerdo pa reuni cu e gruponan proximo siman, reiterando nan promesa pa haci e Olimpiada “un vehiculo pa cohesion y inclusion.” Nan tambe a nota cu Paris pa hopi tempo ta

experimentando tension pa motibo di migracion y hende sin hogar. Polis na Paris rutinariamente ta desmantela campamentonan di tent alohandu migrantenan for di henter mundo, citando seguridad y salud publico, pero e capital Frances ta keda un magnet pa hende huyendo di conflicto of pobreza, y e campamentonan rutinariamente ta aparece back.

Gruponan di ayudo ta describi un aceleracion den evacuacionnan di ‘squats’ y ‘slums’ improvisa usa pa migrantenan, mientras e ciudad ta prepara pa ricibi miyones di expectador pa Olimpiada. Oficialnan tambe a busca pa shut down puntonan di distribucion di cuminda na algun barrio di Paris e luna aki, pero e movida a keda rechasa den corte.

E firmantenan di e carta ayera a haci un yamado pa “un politica ambicioso y concerta... pa garantiza continuidad di cuidu di persona den situacionnan precario y di exclusion, prome, durante y despues di e Weganan.”

E firmantenan ta inclui grupo di ayudo Dokter di Mundo y e brasa Frances di Salvation Army, como tambe esnan cu

ta provee vivienda di emergencia, cuminda, ayudo medico y sosten administrativo pa hende bibando riba caya.

Den respuesta, comite organisador di Olimpiada na Paris a bisa den un declaracion: “Den espiritu di dialogo y di scucha, Paris 2024 ta bay acerca e manifestantenan pa reuni cu representantenan y discuti nan preocupacion.” E reunion ta programa pa proximo siman.

Gruponan di ayudo tambe ta pidiendo oficialnan local pa inclui nan den nan discusionnan di planeamento pa tene cayanan sigur durante Olimpiada – como tambe pa sigura cu Olimpiada ta laga un legado positivo a largo plaso pa esnan mas pover na Paris.

Administracion regional di Paris a bisa ayera cu ta traha regularmente pa haya vivienda pa migrantenan recién yega y hendenan sin hogar a largo plaso, y cu e desmantelacionnan recién no tabatin nada di haci cu Olimpiada. Autoridadnan ta desmantela campamentonan di tent chikito casi cada siman y a pone mas cu 5,600 persona den vivienda temporal te awo e aña aki,



segun un oficial di e administracion. Esey ta comparable na e 6,600 persona na 2022, segun e oficial.

Mayoria ta migrante yegando Francia pa prome biaha, notablemente for di Cuerno di Africa, Afghanistan of West Africa, segun e oficial, kende no tabata autorisa pa papia publicamente segun politica di e administracion.

E Olimpiada na Paris ta bay ta di dia 26 di juli te 11 di augustus 2024.

Bista Politico ta un seccion di Bon Dia Aruba specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organisacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

BISTA POLITICO

Lider di fraccion di AVP, mr. Mike Eman:

Reconecta economia y gobernacion na e realidad y e bon comun

Den e dlanan aki e lider di fraccion di AVP, mr. Mike Eman y un delegacion di e partido y di institutonan cientifico cu ta asesora e partido ta sosteniendo momentonan di reflexion profundo cu gremionan y institutonan den nos comunidad. E tema central den e encuentronan aki, mr. Mike Eman ta splica, ta cu mester delinea un caminda pa Aruba pa realisa un reconexion di economia, gobernacion, politica y nos sociedad cu e bon comun ('the common good'). Eman ta splica cu e vision aki ta bay na e curason di locual ta haci nos humano y ta condicionnan necesario pa trece felicidad bek pa nos comunidad.

Un faro bandona
Awor nos a para bira manera



riba un barco den un lama devastador buscando un luz di un faro cu a wordo bandona. Nos balornan comun ta manera un faro bandona, cu ta laga comunidad sin guia den scuridad. De nos mundo occidental y profundamente na Aruba a surgi un desconexion, un distanciamiento di e fundamentonan riba cual un

sociedad humano feliz mester ta basa. Nos modelonan economico a distancia na mes di e bon comun, enfasis ta wordo poni riba cifranan cu no ta refleha e realidad berdadero den comunidad. Blinda pa esaki ta ignora e berdadero necesidad cu tin den nos sociedad, Eman ta bisa.

Un raiz malnutri

E matanan di nos tempo ta biniendo abou pa falta di tin raiznan sano fuerte pa tene nan firme den e suelonan di nos Pais. Nos tin cu reconoce cu crecimiento economico abstrai di un parti grandi pueblo y medidanan feroz a malnutri raiznan di kico tabata e troncon di nos sociedad. Ya mas no tin un mata cu ta florece y ta trece oportunidad husto pa un y tur. Un economia mester ta diseña pa mehora e bienestar di tur

ciudadano, no unicamente di algun. Esey kiermen crea cuponan di trabao cu salarionan husto, garantisando acceso na servicionan esencial, manera salud, educacion, y reduci e desigualdad den comunidad.

E luz di guia y un troncon pa sociedad

Bon Comun – Common Good
Nos mester di un cambio di paradigma; un reconexion cu e 'common good'. Un cambio di un enfoque cu na e momentonan aki ta rondona riba e 'mi' y e 'privilegiadonan' en bes di ta enfoca riba e 'nos' cu ta enfoca riba e bon comun.

Eman ta bisa cu "politica mester tin como obhetivo crea standardnan social y ambiental cu ta respeta comunidad y nos planeta. Nos sistema di gobernacion mester wordo

reconecta na nos comunidad, na pueblo, na tur gremio, den dialogonan social, den plataformanan manera "town hall" meetings y encuentronan regular canando den bario, manera antes, caminda ta scucha pueblo y traha pa e bon comun.

Den e encuentronan aki cu gremionan y institutonan, mr. Mike Eman, ta enfatisa nos no unicamente kier rediseña sistemanan y modelonan economico y politico, sino tambe redescubri un causa comun pa sirbi e bon comun. E ta un yamada pa restaura nos inspiracion y nificacion pa revitalisa e alma di nos sociedad. "Nos ta aspira un salida di solo pa un dia nobo cu lo restaura e conexcion cu e bon comun; un amanecer yen di promesa y posibilidadnan nobo".

Lider di partido Curpa Eric Ras:

Nos promete minister sa di integridad ora e ta cumbini su persona y partido

Dia 30 di maart 2021 gobierno a cay. Segun nos promete minister pa via di actonan castigabel cometi pa partido POR. Dia 1 mei 2021 nos promete minister a ricibi un e-mail for di Arubahuis caminda e trahadornan a notifica nos promete minister di e desastre cu e minister plenipotenciario tabata haci. Durante e mesun temporada a pasa e geregistreerd partnerschap. Nos promete minister a actua di inmediato contra partido por y a haci uso di e oportunidad pa pasa e geregistreerd partnerschap, pero a ignora e kehonan ricibi di Arubahuis.

Tur accion di nos promete minister ta premedita y tin un solo meta desacredita opositornan y beneficia su persona y partido. Pakico nos promete minister no a actua contra Besaril? E minister plenipotenciario a bin Aruba pa campaña. E minister plenipotenciario a participa na eleccion di juni 2021 riba lista di parti-

do MEP. Despues di eleccion Besaril a keda como minister plenipotenciario y a regresa Hulanda manera nada a pasa. For di e sentencia di e caso cu e ex-minister plenipotenciario a entama nos por a lesa cu dia 14 di januari 2022 Central AccountantsDienst a entrega un rapport di 107 pagina di nan investigacion caminda e ex-minister aki ta wordo sospecha di malversion financiero. E ex-minister a haci mal uso di fondo publico for di 1 januari 2018 te cu 30 September 2021. Central AccountantsDienst a wordo notifica den luna di September 2021 y asina nan a haci na investigacion.

A pesar di e kehonan Minister President no a haci nada y a laga e minister plenipotenciario keda den su funcion manera nada no a pasa. E puesto di minister plenipotenciario ta cay bao di nos promete minister directamente. A pesar di tur e kehonan di irregularidad y durante e investigacion di CAD promete minister no a kita e minister di su funcion. E



minister plenipotenciario a entrega su retiro te dia 1 di juli 2022.

Nos di partido Curpa ta kere cu nos promete minister no a entrega un keho penal pa mal uso di fondo publico contra di e minister plenipotenciario paso for di 14 di januari 2022 te cu awe e ex-minister aki no a wordo deteni y no a cuminsa cu ningun investigacion

penal. Si tabata un partido di oposicion si nos lo por a tende con nan lo a lastra nan contrincante politico pero como e ta den seno di partido MEP tur hende a keda keto y laga e asunto muri un morto natural. Esaki ta un caso di corrupcion y nada a wordo haci. Aki nan nos por mira cu e gobierno aki no tin integridad.

Pueblo ta sufri mientras gobierno ta tapa su mal maneho. Gobierno a regala 175 miyon di dollar na un multinacional, a scapa e ex minister di turismo pa 2.1 miyon florin mientras nos grandinan tin cu biba di un solo pensioen miserabel y tin cu paga pa nan mesun remedinan. Esaki ta sin conta di esnan cu ta biba di un onderstand y esnan sin trabao. Asina nan por bisa cu e hende ta central? E trato igual no ta existi.

Asina ta sigui maltrata nos pueblo pero nos politiconan ta lubida cu e malo ta aki bou mes bo ta paga p'e. Esaki ta e ley di Dios cu locual cu bo sembra lo bo cosecha. Dios su tempo ta perfecto. Nos ta den e tormenta. Stock Market lo perde entre 25 pa 30% otro siman entre dia 30 y 31 di October 2023. Lo bay tin un cambio grandi mundialmente. E sistema Babilonico cu nos a biba aden pa hopi aña lo yega su final. Aruba laga nos no perde speranza paso nos confiansa ta den Cristo Hesus. Partido Curpa ta e unico alternativa.

Corte di Hapon a bisa cu Nort Korea ta responsabel pa e abuso di personanan cu a ser atraí pa promesanan falso

(AP) - Corte na Hapon a bisa dialuna cu e gobierno Nort Koreano ta responsabel pa e abusan di derecho humano di e victimanan cu a bisa cu nan a ser hiba bao promesa falso di biba den “paraíso riba tera,” un decision elogia como un victoria di parti di sobrevivientenan y nan sostenedornan.

“E declaracion a muestra cu Corte Hapones por dicta sentencia contra Nort Korea su violacionnan di derechonan di ser humano, uno cu por tin un impacto significativo,” segun abogado di e victimanan Kenju Fukuda a declara.

E 4 victimanan, incluyendo Koreanonan etnico y Haponesnan, a muda pa Nort Korea cu miles di otro nan bao un programa di aña 1959 pa 1984 bao cual Nort Korea a priminti cuida di salud gra-



tis, educacion, trabao y otro beneficiaran. Sinembargo nan a bisa cu nada di esaki tabata disponibel y nan a ser asigna trabao na minanan, mondinan of cunucunan ademas di ser obliga biba den mal condicionnan.

Originalmente, 5 di e victimanan a entrega un deman-

da den aña 2018 na Corte di Distrito di Tokyo pidiendo mas o menos 900,000 dollar den compensacion pa “solicitation y detencion ilegal.”

Corte di distrito tambe a admiti den declaracion di maart di aña 2022 cu e victimanan a muda bay Nort Korea a causa di e promesanan falso cu e

pais a provee y e organisacion pro e pais na Hapon. Sinembargo tambe a declara cu e statuto di limitacion a caduca y cu cortenan Hapones no tin hurisdiccion pa motibo cu e sufrimento di e victimanan a tuma luga fuera di Hapon. 4 di e victimanan a apela e decision, argumentando cu Hapon tin hurisdiccion pa motibo cu e problema aki a cuminsa ora cu nan a subi boto na waf di Hapon.

Nort Korea nunca a responde na e demanda y ta hopi probabel di no paga e dañonan stipula.

Mas o menos mita miyon Koreanonan actualmente ta biba na Hapon y ta enfrenta discriminacion na scolnan, na trabao y den nan bida diario. Hopi di nan ta descendiente di Koreanonan cu a bay Hapon, varios di nan forsa, pa traha den mina y fabricanan

durante Hapon su colonizacion di e peninsula Koreano, un pasado cu te ainda ta causa tension den e relacion entre Hapon y ambos Nort y Sur Korea.

Na aña 1959 Nort Korea a cuminsa un programa pa trece back e Koreanonan fuera di e pais pa por compensa pa e empleadonan cu a fayece durante e guerra Koreano. E gobierno Hapones, mirando e Koreanonan etnico como stranhero, a duna bon bini na e programa y a yuda aregla pa hendenan por biaha bay Nort Korea.

Mas o menos 93,000 residente etnico Koreano di Hapon y nan miembronan di famia a ser hiba Nort Korea bao e programa aki. Mas o menos 150 di nan a logra bay back Hapon, segun un grupo cu ta sostene defectornan di Nort Korea.

Gobierno nobo di Slovakia ta anuncia despacho masivo na e frontera cu Hungria pa combati migracion



(AP) - E Gobierno nobo di Slovakia a anuncia cu lo despacha polis y forsan arma di forma masivo na e frontera cu Hungria pa preveni e cantidad di migrante cu ta den aumento for di drenta e pais.

Prome Minister Robert Fico no a duna inmediatamente detaye di e despacho aki pero a bisa cu esaki lo cuminsa dialuna y cu e lo personalmente evalua e situacion na e frontera. Su gobierno nobo a huramenta diaranson ultimo despues cu Iskiardista Smer, of e partido Direction, a gana dia 30 di september, habriendo caminda pa e lider populista por bira Prome Minister pa di cuatro biaha.

E gobierno nobo te ainda no a realiza su programa di politica sinembargo Fico a sugeri cu e lo inclui un posicion fuerte contra migracion. Esto a bisa cu e situacion den e mundo ta serio recientemente a causa di e guerra entre Israel y e grupo militante Hamas, cual a ataca e pais dia 7 di october y cu e ta premira un ola nobo di migracion. E minister a bisa cu e gobierno a spera di por controla henter e 655 kilometer cu Hungria.

E gobierno di Slovakia anterior a caba cu revisionan aleatorio na e frontera cu Hungria dia 5 di october, un dia despues cu e pais su bisiña, incluyendo Austria, Czech Republic y Poland a reintro-



duci control na nan fronteranan cu Slovakia pa combati migracion. E Prome Minister Ludovit Odor di e tempo aki a critica e decision aki, bisando cu ta preferibel pa yega na un solucion di henter Europa

pa combati e problema aki. Tur cuatro pais ta pertenece na e Union Europeo su area liber di visa yama Schengen. E migrantenan mas tanto ta usa Slovakia como un pais di transito na caminda pa Eu-

ropa. Segun e Ministerio di asuntonan Interior, Slovakia a registra 40,000 migrante for di comienso di e aña te cu dia 1 di october cual ta 11 biaha mas compara cu un aña atras.

Pasion pa e idioma Hulandes? Esaki ta e momento pa cuminsa muestra interes! Inscripcion pa e estudio di Bachelor Nederlands als Vreemde Taal cu lo start na augustus 2025 na IPA ta habri

Estudio di Bachelor Nederlands als Vreemde Taal ta un estudio pa bira docente di Hulandes. E estudio aki ta prepara bo pa uza e formanan mas nobo pa duna les di Hulandes, teniendo cuenta cu idioma Hulandes ta un idioma stranhero pa mayoria di nos alumnonan aki na Aruba. Alabes bo ta siña guia e alumnonan pa nan por siña tanto e idiomas, como e aspectonan cultural di e idioma Hulandes.

Informacion di Bachelor Nederlands als Vreemde Taal Pa informacion mas amplio di e estudio bay na nos website www.ipaaruba.com,



scoge pa 'opleidingen' sigui pa 'Bachelor Nederlands als Vreemde Taal'. Aki bo lo haya entre otro informacion tocante contenido di e estudio, rekisito pa por haci e estudio y gasto di e estudio.

Durante IPA su open dag, dia 4 di november 2023, lo ofrece dos sesion di informacion general di Bachelor Nederlands als Vreemde Taal cu bo lo por atende. E orario di sesion 1 ta 10:30 am y di sesion 2 ta 11:30 am.

Inscripcion

Inscripcion pa aña academico 2025-2026 ta tuma luga online. Solamente estudiante cu tin diploma di sea havo, vwo of mbo/EPI nivel 4 of cu ta den examenklas di un di e scolnan menciona e aña aki of cu lo ta den examenklas di un di e scolnan menciona otro aña escolar por inscribi. Si prome cu augustus 2025 bo no tin e diploma cu ta rekeri pa por haci un estudio na IPA y tin desde 1 di september 2025 minimo 21 aña bo ta bin na remarca pa

haci e asina yama 21+ Toets. 21+ Toets ta midi si bo tin e nivel di havo cu ta necesario pa por studia na IPA. Inscripcion pa 21+ Toets ta cera januari 2024. Pa por inscribi, bishita e website www.ipaaruba.com, bay na aanmelden y scoge pa 'Bachelor Nederlands als Vreemde Taal'. Na februari 2025 inscripcion ta cera pa e estudio di Bachelor Nederlands als Vreemde Taal. Pa tur cu inscribi prome cu maart 2024 por participa na e Test di Admision, na mei 2024. Lo tin oportunidad pa herkansing na mei 2025. IPA ta invita comunidad di Aruba, specialmente tur persona interesa pa cuminsa un estudio na IPA pa 'like' e pagina di Facebook Instituto Pedagogico Arubano, p'asina keda na altura di tur e ultimo desaroyonan.

Invitacion Tridium San Martin De Porres

Reverendo Pastoor Jozef Pelc y Reverendo Diacono sr Michael Nicolaas, hunto cu grupo di debotonan di San Martin de Porres y Asistencia Social di Parokia Birgen di Fatima Dakota, ta invita tur demas deboto, parokiano y pueblo di Aruba en general pa asisti na un Tridium na honor di San Martin de Porres. Tridium ta cuminsa diamars 31 di October pa 6'or atardi den Kapel di Santisimo. Diaranson 1 november y diahuebs 2 november pa 6'or atardi den misa sigi pa S.S. di Misa, dia 1 Misa Solem pa tur Santo y dia 2 Misa pa tur defunto. Por fabor tene na cuenta cu e S.S. di misa di diaranson 1 y diahuebs 2 mainta ta sigi manera custumber cuminsando cu Santo Rosario pa 7.20 am. Diabierna 3 november Fiesta di San Martin de Porres nos ta resa Santo Rosario pa 6.20 sigi pa S.S. di misa Solem pa 7'or anochi. Como cu e dia aki ta prome diabierna di luna lo tin Rosario di Dibino Misericordia canta, oracionnan y Exposicion y Bendicion cu Santisimo.

San Martin "Tata di poberman" abo cu ta dokter di medicina natural, cura tur enfermo na alma y curpa. Amen.


King Classic Sudoku



















				3	1	6		2
	2	7		4		3		
3	1	5		9	6		4	8
		1				9		4
		4	9	5				
	6	9	3	1		5		
8							2	9
	7	2					6	
1	5	6		2	9	8		



Difficulty: ★★

10/31

©2023 King Features Syndicate, Inc.

Resultado Sorteo 30 oktober 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
1289	5479	0970	1388
9701	6981	SUPER5	0798
2696	2260	-	3709

MERDIA	ANOCHI			
 Sorteo # 4079 7259 5409 0830  X2  Sorteo # 4079 6271  Sorteo # 2135 3447  Sorteo # 4079 7748 Cancer  Sorteo # 953 762  X2	 Sorteo # 8083 1263 6612 3744  FP  Sorteo # 7127 3297  Sorteo # 1832 9860  Sorteo # 5886 4013 Gemini  Sorteo # 816 605  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 6285 0 x Jackpot 11 x Match 4 241 x Afl. 8,00	 Joker Letter Proximo Jackpot 1.400.000,- 06-12-17-20-24 Proximo Jackpot 118.000,-  Sorteo # 1604 0 x Jackpot 2 x match 4 6 x Afl. 500,00 42 x Afl. 50,00 69 x Afl. 15,00	 Mega Ball Proximo Jackpot 390.000,-  Afl. 520.000,-

 Sorteo # 	
---	--

Clasificado

ECONOMICO aviso@bondia.com

Personal GRATIS max. 20 palabra
PASA LAGA BO AVISO NA OFICINA DI BON DIA
ARUBA WESTSTRAAT#22 POR DI 9:00AM-4:00PM
Email nos na
classified@csprv.com

SERVICIO PUBLICO

Limpieza pa cas y auto
Pressure wash cura di cas
Laba muebles, laba tapijt
laba vloer
Tel. 593 9464

SERVICIO PUBLICO

Buscando auto pa huur y na bon
prijs? yama nos
Tel. 593 9953/ 593 8453

SERVICIO PUBLICO

Nos ta chapi, corta y planta
mata, brinda tur servicio cu bo
cura mester. Tira sushi afo,
Tel. 738 1908

SERVICIO PUBLICO

Sushi den cura pa solamente
50,- pa buelta, nos ta lante
lague limpi
Call 592 5766

SERVICIO PUBLICO

Masaje reductores, terapias
para el dolor, terapia infraroja,
kinesiotape, tratamiento faciales
Avicenastraat #18 local A
Tel. 566 1412 / 561 8520

SERVICIO PUBLICO

Ta traha y renoba Cas
drecha dak, ta basha vloer,
pleister, verf cas, traha cura,
pega mosaico
Tel. 563 4168

TA BUSCA

trabou pa haci cas limpi,
negoshi of oficina
Tel. 561 3910

TA BENDE

Piano (no electric), cama di
1 persona, set di sala, vario
schilderij. Pone bo prijs
Cell 594 3154

SERVICIO PUBLICO

Pa trabou di data-entry of
update di bo administracion pls
contact:
Tel. 568 2339

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518 / 569 7539

TA BENDE

Caha di Orgel aña 1997,
6 cylinder cu su loudspekers
Fls. 14.000 por yama
Tel. 593 9614
Mr. Loy Ras 749 2533

SERVICIO PUBLICO

Nos ta haci trabou di
plomeria, electricidad,
hardineria incluye hiba sushi
Handy man.
Tel. 742 6250

SERVICIO PUBLICO

Mi ta ofrece pa cuido di mucha
di dialuna pa diabierna y
weekend. Pa informacion
Tel. 558 7310

SERVICIO

Reforsamo papiamento-españo,
of españo pa papiamento pa
hende mayor y mucha
Tel. 563 4641

TA HUUR

Apartment Madiki 67
1 camber, 1 baño, cushina,
sala. Entrada priva F.750.00 pa
luna Madiki 67
Tel. 593 0769 / 583 2034/
593 3514

SERVICIO PUBLICO

Mi ta ofrece servicio pa haci
reparacion di porta, ventana y
hopi mas. Pa mas informacion
Tel. 563 6762

SERVICIO PUBLICO

Mi ta ofrece servicio di
electricista en general corto
circuito y mantencion
Tel. 566 5026

Sushi den cura?

Ta piki sushi cu pick-up
grandi pa Afl 75,- pa buelta.
Yama nos na
561 4297 of 561 5179

SERVICIO PUBLICO

Mi ta chapi, lanta sushi, corta
mata, transporta frigidaire, was-
machine biew, drecha cas, etc.
Tel. 564 1979

SERVIO PUBLICO

Ta ofrece pa verf y chapi cura
bon prijs. Nos ta hiba e sushi.
Yama pa mas informacion na
563 4828 / 5679610

SERVICIO PUBLICO

Pa haci trabow di verf y chapi,
tur mantencion di pafor di cas
Yama y puntra pa Benito na
Tel. 630 5185



Cas Di Cultura

Vondellaan 2 Aruba
297-582-1010
F A D A

Campanastraat 5 Aruba
297-583-2999
297-583-9610
F A V I
Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
del Pueblo Aloe
Tel. 582 1253 Tel. 584 4606

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Pronostico di tempo

Tempo:

Awe tardi y awe nochi: par-
cialmente nubla cu un posi-
bel awasero breve
Den marduga y mañan: par-
cialmente nubla cu un awa-
sero

Temperatura maximo 32 gra-
do Celsius
Temperatura minimo 27 gra-
do Celsius
Indice di calor (heat index)
den y rond di oranan di mer-
dia: 33 pa 44 grado Celsius
UV index: 12

Bahada di solo : 6:15 pm
Subida di solo : 6:32 am.

Biento:

Zwak te modera for di direc-
cionnan entre noordoost y
zuidoost; forsa 2 te 4 (7 te 23
km/ora, 4 te 12 nudo). Tem-
poralmente variabel y zwak;
forza 1 (1 te 6 km/ora, 1 te 3
nudo).

Situacion general di tem- po pa proximo 24 ora:

Humedad persistente y in-
stabilidad den atmosfera re-
gional por produci un awase-
ro local den proximo 24 ora.
tambe tin un chens chikito pa
lamper cu strena.

Condicionnan maritimo/ estado di lama:

Na partinan protegi di costa:
keto, rond di 1 pia.



Na partinan zuid: tranquil te
modera, entre 2 pa 3 pia.
Na partinan oost te noord-
west di costa: generalmente
modera te localmente poco
bruto na cierto partinan den
labaderanan for di noord-
noordoost cu ta birando me-
nos; olanan lo ta entre 2 pa 3,
localmente 4 pia.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Y es que nada podría cambiar lo que siento, te vayas o te quedes, te seguiré amando igual"
-Jose Urbano-

Cu inmenso dolor den nos curazon, nos ta anuncia fayecimento di:



Marcelino (Lin) Kock

★24 januari, 1938 - †28 oktober, 2023
"Lid in de Orde van Oranje-Nassau"

Na number di:

Casa:

Maria Eugenia Kock Alvarez Arroyave
Viudo di Susana Kock-Wever

Yiunan:

Suzette (Siouxsie) Kock
Marcelino Gerald (Gino) Kock

Nieto:

Siouxton Stoorvogel y Zeline Jones

Nieta:

Suzenne Stoorvogel y Erjean de Mey

Larisse Kock y Stiven Melchor

Celine Kock

Bisanieta:

Emylia de Mey

Willow-Mae Melchor Kock

Manera yiu:

Detty Coffi-Wever

Lizabeth Noguera-Gómez

Diana Jimenez Gomes

Ruman:

† Adriana Kock

† Souer Graciela Kock

† Deonisio Kock y Praxedes De Mey y familia

† Fernando y Mena Kock-Croes y familia

Olga y Theofilo Vrolijk-Kock y familia

† Innocencio y Lisi Kock-Camacho y familia

Jose Kock y Maria Giron y familia

† Ricardo y Judith Kock-v/d Linden y familia

Lidwina y Tico Maduro-Kock

† Elizabeth Kock y familia

Suegra:

† Blanca Stella Arroyave

Sua:

Hector Pablo Alvarez

Amigonan di cas y hopi special:

Lizabeth Noguera-Gómez, Diana Jiménez-Gomes, Edilma Gordillo, Luny Sinning, Marina Franken, Ligia Rojas Camacho, Robert Restrepo, Teofilo Brete, Maria Inés Zamora, Laureano Viaña, Omaira Ochoa, Judith Bernal, Edilma Simplicio Henriquez, Lina Victoria Carrillo, Josephine Nouel, Jose Simplicio Henriquez

Danki tambe na Dokter Fingal (Cardioloog) y Dokter Tjon Kon Fang (Huis dokter)

Subrina y subrinanan, primo y primonan, hijanan, amigo y amiganan, ex-coleganan, y demas familia.

Familia lo desea pa bini bisti na colornan alegre.

Si den nos tristesa nos por a lubida un of otro familia, nos ta pidi nos mas sincero disculpa.

Ta invita demas familia, bisña, amigo- y conocirnan pa e acto di despedida cu lo tuma lugar di 2 November 2023 di 2'or pa 4'or di atardi na Misa San Francisco na Playa.

Nos ta lamenta cu no ta ricibi bishita di condolencia na cas prome y despues di entiero.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y floran por seca, pero bo imagen y recuerdonan lo keda semper bibo den nos curason.
Cu inmenso tristesa nos ta participa fayecimento inespera na edad di 90 aña, nos Mama, Wela y Bisawela stima;



sra. Senobia Maria de Cuba - van der Linden.

Cariñosamente yama "Chichia of Mama Chia"
★ 01-07-1933 † 28-10-2023

Na number di su estimado esposo:

† Arpilio (Bubu) de Cuba

Na number di su yiunan: Debbie de Cuba

Frank y Mary de Cuba - Vrolijk

Darline (Sussett) de Cuba

Haroll de Cuba

Nieto y nietanan stima: Deborah Geerman

Melissa y Michael Vrolijk - de Cuba

Charissa de Cuba y Jason Koolman

Suleima de Cuba y Marc Wolter

Jowald de Cuba y Denise de Cuba

Jerrick de Cuba

Bisanietonan stima:

Daryann y Damaris Gonzalez - Perez

Skylar Vrolijk

Rumannan: † sra. Fabia van der Linden y familia

† sr. Francisco (Chico) y † Lidia van der Linden - Flanegin

† sra. Francisca (Ica) y † Hilario Bislip - van der Linden

† sr. Honorato (Buchi) y Beatriz van der Linden - Ras

Sobrinonan: Myron van der Linden - Nancy Echeverry y

yiunan Gino y Xiomara

Arnaldo y Anky van der Linden - Vrolijk y yiunan Paula-

Andrea y Kyrrah

Jonathan y Jessica van der Linden - Camacho y jiu Mathias

Mirto van der Linden y familia

Mayito (Chamaco) van der Linden y familia

Sobrinanan:

Jesmine y Giovanni di Vecchia - van der Linden y jiu

Gabriella

Meldith y Leo Geerman - van der Linden y jiu Nayla

Melva y Lucho Croes - van der Linden y yiunan Kenrick y

Gilia

Agnes van der Linden y familia

Ihanan: Grace de Cuba

Eve Kock

Nos ta agradecido na tur ayudante di Mama Chia: Sonny Arends, Ivan Almenares, Jeanette Arends, Maria y Lucas, Tairina Arrindell, Danella de Cuba, Marina y tur personal di WGK.

Ta invita tur primo y primanan, comer y compernan, amigonan di cas, bisñanan y conocirnan y demas familia; de Cuba, van der Linden, Arends, Rafini, Vrolijk, Thijsen, Flanegin, Bislip, Ras, Geerman, Koolman, Wolter, Gonzalez-Perez, di Vecchia, Echeverry, Camacho, Croes, Henriquez, Pedro, Odor, Bisslik, Kock, Angela, Cornes. Kier a invita tur amigo bisña y conocer pa asisti na e acto di entiero cual lo tuma lugar Diahuebs 2 di November 2023 di 2or pa 4or na Pray funeral Home na San Nicolaas y despues Sali pa Santana Catholico na Savaneta

oportunidad pa condolencia: Diaranson 01 November 2023 di 7or pa 9or di anochi na Pray Funeral Home na San Nicolaas.

Si en caso den nos tristesa nos por a lubida algun persona of familia, nos ta pidi nos mas sincero disculpa.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lo E seka tur lágrima for di nan wowo, I morto lo no eksisti mas: lo no tin nada di rou, nada di yoramento, nada di dolo mas, pasobra tur kos di antes a pasa bai.Rev. 21:4

Nos ta anuncia fayecimento di:



Ignacio Thomas Loefstop

Mihor conoci como: "Cuchi"
03-05-1933 30-10-2023

Acto di despedida lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi" Salmo 33

Cu dolor na nos curason, nos ta participa fayecimento di nos ser stima:



Edna Ludwina Gil Barrios- Peña

Cariñosamente yama "Etty"
★28-12-1962 - †28-10-2023

Acto di entiero lo wordo anuncia despues

Aurora

Royal Pray
Funeral Home & Crematory

“Señor ta mi wardador,
mi’n tin falta di nada
Den cunucu di yerba
berde e ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23



Nos ta anuncia
fayecimento di:

Olga Betulia Kock-Romero
*12-03-1930 - †26-10-2023

Acto di entierro lo wordo anuncia despues.

Aurora

Royal Pray
Funeral Home & Crematory

Jezus zij tegen haar: Ik ben de
Opstanding en het leven; wie
in Mij gelooft, zal leven, ook
al was hij gestorven, en ieder
die leeft en in Mij gelooft, zal
niet sterven in eeuwigheid.
Geloof u dat?
Johannes 11: 25-26



Wij kondigen het overlijden
aan van

Siegfried Coromoto Holsman
*20-05-1958 - †25-10-2023

De uitvaart wordt op een later tijdstip bekend
gemaakt.

Aurora

Royal Pray
Funeral Home & Crematory

The Lord is my shepherd; I shall not
want. He maketh me to lie down in
green pastures: he leadeth me beside
the still waters. He restoreth my
soul: he leadeth me in the paths of
righteousness for his name's sake.



With great sorrow in our hearts, we announce
that passing of our beloved mother, sister, friend
grandmother, great grandmother, cousin &
confidante:

Hendrica Teresita Leerdam Hanson
better known as: “Drika”
*11-09-1934 - †24-10-2023.

Date & place of funeral will be announced later.

Playa Film Festival cu diferente presentacionnan gratis pa publico

E festival di cine local di Playa lo tuma lugha e aña aki for di 3 pa 5 di november. Riba e prome anochi na Ateliers '89, e festival ta habri cu un seleccion di pelicularnan cortico cu ta ‘Stick is Life’ di Miquel Galofre for di Trinidad & Tobago, ‘The Aftermath’ di LaChelle Joy Hunt for di USA, ‘La Dama Blanca’ di Guus de Sain for di Curacao, ‘At a Glance’ di Ruud Stijn for di Hulanda, ‘Un Dia’ di Nathan M. Legger for di Aruba, ‘The Challengers’ di Rhonda Chan Soo for di Trinidad & Tobago y ‘Salted’ di Aishah Graviel for di Curacao. Na final di e presentacion di e pelicularnan lo tene combersacionnan cu e cineastanan presente.

Riba e segundo dia di e festival, 4 di november lo tin diferente pelicularnan largo y cortico. Atardi lo tin presentacion gratis di e pelicula ‘Good Guys with a Gun’ di John Mossman for di USA. E pelicula largo ‘The Founder Effect’ di Justin MacGregor for di Canada tambe lo pasa riba diasabra

atardi cu entrada gratis. E diasabra anochi lo presenta e documentarionan cortico escolar produci pa Mon Plaisir College, Schakel College, YNZ Montessori High School y Colegio San Augustin. Lo sigui cu e documentario ‘It is not Past-08 12 1982’ di Ida Does for di Hulanda. E presentacionnan aki lo tuma lugha na Ateliers '89. Mientras cu na Ateliers '89 tin presentacionnan di documentario, na Wolff & Co. Studio situa na Royal Plaza Mall na e ultimo piso lo tin presentacionnan gratis di e pelicula largo ‘Everybody wants to be loved’ di Katharina Woll for di Alemania cu subtitulo na Ingles. Despues lo sigui cu un presentacion special di e documentario ‘One Pint at a time’ di Aaron Hose for di USA.

Diadomingo merdia y atardi, dia 5 di november, na Ateliers '89 lo tin repeticionnan di diferente pelicularnan cu acceso pa publico completamente gratis. E anochi di e festival lo cera cu un ceremonia di premio cu lo tuma lugha na Wolff & Co. Studio situa na Royal Plaza Mall, entrada lo ta completamente

gratis. E aña aki e premio pa miho pelicula cortico y largo lo wordo duna door di un jurado. Ademas lo tin dos premio nobo cu ta reconece e miho actuacion y e talento emergente. Riba e anochi aki lo duna reconocemento na Ludmila ‘Luty’ Martinez pa su 40 aña di contribucion na teatro y cine.

E proyecto di Playa Film Festival ta un iniciativa di fundacion CINEARUBA pa stimula y promove un cultura di cine local. E proyecto aki no lo por ta posibel sin e sosten di Prins Bernhard Cultuurfonds Caribisch Gebied, Cede Aruba, Aruba Tourism Authority, VNO, Aruba Airport Authority N.V. AUA, Aruba Bank y Setar N.V. Localidadnan di presentacion ta posibel danki na Ateliers '89 y Wolff & Co. Studio. Pa e orarionan di e pelicularnan y mas informacion por bishita e pagina web di e festival: www.playafilmfestival.com. Juan Francisco Pardo coordinador di e festival di cine ta invita comunidad pa bin disfruta di diferente generonnan di pelicularnan cu diferente topiconan.

IPA ta invita bo pa su open dag diasabra 4 di november 2023

“Talk IPA to me!” Esaki ta e tema di Instituto Pedagogico Arubano (IPA) su open dag 2023 cu lo tuma lugha diasabra 4 di november di 10:00 am - 12:30 pm na IPA (Isaac Wagemakerstraat 11, San Nicolas). Nos kier pa abo, cu tin e passion pa bira maestro, bin combersa cu nos y si bo ta explora opcion di estudio, join nos y laga nos inspira bo.

Durante open dag nos lo duna informacion di e estudio pa Maestro di Enseñansa Primario, Bachelor Nederlands als Vreemde Taal, Curso di Certificacion Pedagogico Didactico (PDG) y asina yama 21+ Toets.

Tuma nota cu cada estudio tin su grupo meta y orario specifico pa por haya informacion:

Estudio pa Maestro di Enseñansa Primario

E estudio pa Maestro di Enseñansa Primario ta forma maestro cu ta cualifica pa duna les na mucha di scol preparatorio y/ of scol basico. Durante open dag lo tin 2 sesion cu e bishitante lo por atende pa ricibi informacion di e estudio. E orario di sesion 1 ta 10:15 am y di sesion 2 ta 11:00 am.

Bachelor Nederlands als Vreemde Taal

Bachelor Nederlands als Vreemde Taal ta un estudio pa bira docente Bachelor di Hulandes cu ta cualifica pa duna les na alumno di EPB, EPI, mavo y e prome tres añanan di havo y vwo. E orario di sesion 1 ta 10:30 am y di sesion 2 ta 11:30 am.

Pa inscribi pa e dos estudionan ya menciona mester tin diploma di havo, vwo of mbo nivel 4 (of den examenklas di un di esakinan).

21+ Toets

Tur persona cu tin desde 1 di september 2025 minimo 21 aña y cu kier haci un estudio na IPA pero no tin diploma di sea havo, vwo of mbo nivel 4, ta bin na remarca pa haci e asina yama 21+ Toets. E 21+ Toets ta midi si bo tin e nivel di havo cu ta necesario pa por studia na IPA. Si bo logra pasa e 21+ Toets

cu exito bo por inscribi pa un estudio inicial cu IPA lo ofrece durante aña academico 2025-2026. Asina cu bo inscribi bo ta bin na remarca pa participa na e test di admision (beroepstest) y e programa preparatorio (voorprogramma) cu lo tuma lugha durante aña academico 2024-2025. Si bo logra pasa e test di admision cu exito y completa e programa preparatorio bo por cuminsa cu bo estudio na augustus 2025. E orarionan cu bo lo por ricibi informacion general di 21+ Toets ta sea 10:30 am of 11:30 am.

PDG

PDG ta un curso parcial pa e profesionalnan cu kier continua nan carera den ramo di enseñansa. Pa medio di e curso di PDG e profesionalnan por desaroya competencia pedagogico y didactico. E orarionan cu bo lo por ricibi informacion general di e estudio aki ta sea 10:30 am of 11:30 am.

Benta di pasaboca

Nos studiantenan di aña 3 di estudio pa Maestro di Enseñansa Primario lo t’ey presente cu benta di pasaboca. Meta di esaki ta pa recauda fondo pa e pasantia internacional cu ta forma parti di e curiculo di nan estudio.

Actividad pa mucha

Lo tin actividad specialmente pa nos muchanan cu lo asisti nos open dag. Di e forma aki tur adulto por asisti na e sesionnan di informacion sin mester preocupa pa e chikiti mirando cu e lo ta bon entretene. IPA ta invita henter comunidad di Aruba, specialmente tur persona cu ta interesa pa haci un estudio na IPA pa asisti na nos open dag. Probecha di e oportunidad pa haya tur informacion personalmente y haci pregunta.

Pa mas informacion, por bishita nos website www.ipaaruba.com of pagina di Facebook Instituto Pedagogico Arubano y si ainda bo tin cualkier pregunta, por tuma contacto cu Studenten Services na 5243100.



1234 5678 0000 9876

GOOD THRU 02/29

The Florin Card

JEON

EFFECTIVO

The Florin Card

Efectivo


**Un creacion
unico, dinamico
y especialmente
pa bo.**

Introduciendo un facilidad di credito cu
pagonan mensual confortabel, un interes
reduci y sin tur e gastonan adicional.

E tarheta cu ta brinda un
facilidad di credito na florin,
cu ta facil pa uza y yuda'bo
logra mas.

- No tin compromiso di
Miembresia Anual: e ta
GRATIS pa semper.
- Disfruta di un interes reduci
di 16% p.a. cu ta yuda'bo
baha gasto.
- Tuma miho control di bo
gastonan cu un pago
mensual na bo favor.
- Cero gasto di cambio di
moneda y transaccion.



 **Aplica awe mes!**

cmbnv.com

